

HSET MỐC

Jon Baptit mangai palauq trong

¹ Baxèm Bàu lem da Chuaq Jesus Christ, kon calô Boc Plình.

² Tiah ka khoe achìh tanòe hset pajàu Êsai rameh:

Kô au thê dèh mangai wê bàu lam enh ngèa ka Ìh,
Haq aih mangai òòeq hu palauq ka Ìh trong.

³ I bàu creò tanòe hawit,
Palauq òòeq trong ka Chuaq,
Pajang trong lam ka haq.

⁴ Jon Baptit khoe trùh tagùng hawit, hnài rai broq
ka wì ramènh òòeq da kan raxach, òòeq
jah kan caqnaih yiniq lui.

⁵ Dìq òòeq cròng diac Juđa xam mangai oe ta
Jêrusalem trùh dìq ta haq. Anoe paqnoh dèh yiniq
lui rai òòeq haq broq òòeq da kan Jodan.

⁶ Jon caxùnh eo broq enh xàc lốcđa, kàt caqnam
xam caxi akia, acaq toq bài líp rai ôq diac xùt rôm
wang.

⁷ Haq hnài rameh: Atìq ka au kô èh, I mòeq ngai i
cwìang ùh hnau ka au, au ùh tajì ka jah broq òòeq
mangai kùp lèh caxi jep haq.

⁸ au broq òòeq da kan diac, mahaq Haq aih
èh broq òòeq da kan Yiang Hadròeh.

Baptem ka Jesus

⁹ Jò aih Chuaq Jesus trùh enh Naxaret gùng
Galìli, haq òòeq Jon broq òòeq da kan rađeh ta diac
Jodan.

¹⁰ Jò Jesus bu loh enh gùng ka diac, haq hnoq plình tapèh èh Yiang Hadròeh tiàh ka trù, loh jràp ta haq.

¹¹ Èh i bàu loh enh plình doe: “Kô Kon da Au loq waq dèh, haq lem manoh Au rìm trong.”

¹² Jò aih raq, Yiang Hadròeh qmùt haq tagùng hawit.

¹³ Èh haq oe tanòe hawit aih pôn jàt hì, dôq Satan padô rađeh. Haq oe pajùm mòeq qmang ti bài ngè rôm, khoe èh i bình plình trùh patìh ka haq.

Jesush hnài ka wì loq bàu lem

¹⁴ Atiq ka wì rùp clêh Jon. Chuaq Jesus trùh ta Galili hnài Bàu lem da Boc Plình.

¹⁵ Haq doe: “Khoe trùh jò! Diac Boc Plình trùh khoe haten, drah raxach rai lùì Bàu lem beq.

Jesus creò ka mangai tiaq hóc ma baxèm

¹⁶ Jeus lam jènh ti haqmai diac raxìq Galili, haq hnoq Simôn xam oh haq, qnang tang hlàm ta hlống, majah qmang aih wa aih òiq mangai ranang ka.

¹⁷ “Drah tiaq Au, dôq au hu thê chòp lam tang hlàm mangai.”

¹⁸ Jò aih raq, wa cađac dõng dèh hlàm lam hloe ti haq.

¹⁹ Chuaq Jesus lam hi hangai ka aih toq bìa, haq hnoq Jaco kon Sêbêđê xam oh haq oe ta boang, qnang padon dèh hlàm.

²⁰ Ûh lòm trò, Haq creò ka wa aih, èh wa oh daq aih òeq Sêbêđê baq wa haq, oe ta boang ti bài mangai broq acaq kùng, òeq tiaq haq.

Jesus drùh qnoh kan kan kiac

²¹ Wì haq lam ta Cabênaum, trùh hì Sabat, Chuaq Jesus mùt tanòe hnim tagop qyoh, haq hnài wì.

²² Dìq ka mangai oe ta aih hamàih ka bàu haq hnài, majah qmang aih bàu haq hnài wì tìah ka mangai i cwìang itai, ùh xài troeq da bàu mangai hnài ranenh.

²³ Hanoh jò aih, tanòe him tagop qyoh i moeq ngai kiac pawè,

²⁴ haq creo: Jesus, mangai Naxaret, Ìh enh broq cleq ka nhèn, Ìh trùh hu palùng đac nhèn qmòh? Au loq Ìh qmat cabô: Ìh, Mangai hadròeh da Boc Plinh.

²⁵ Chuaq Jesus tapoch ka haq: “Oe ma hatinh haq! Drah loh khoe ka mangai kô!”

²⁶ Kiac jròng rapòh mangai aih, rai cachech cadêh èh hi loh hloe enh gùng ka mangai aih.

²⁷ Mangai leq mangai meh hamàih đêh hra, wì bòch dabau: Cleq kô ìq wa, kô trong hnài maneo qmòh? Mangai kô joq i cwìang, trùh kiac jròng đũa iu bàu haq thê!

²⁸ Yiniq haq wì ràu, malòq khoe jàp dudan gùng Galili.

Jesus broq brêh bàc ngai

²⁹ Bù loh enh nòe hnim tagop, Chuaq Jesus xam mangai tiaq hóc lam ti Jaco xam Jon mùt ta hnim Simôn xam An rê.

³⁰ Miq mai Simôn tacat qnang caqnùng ta juàng, wì drah anoe ka Chuaq Jeus loq.

³¹ Chuaq Jesus lam trùh nòe haq kùi, carùp tì rai dèch haq yòng. Kan tacat hi hnhung, èh haq hi patìh ka wì.

³² Xèq aih, jò mahì khoe clih, wì aràng bòe mangai ùh hróc xam bài mangai i kiac pawè trùh ka Chuaq Jesus.

³³ Dìq dǝng ka mangai oe ta plài, tagop dabau yòng ajang qmang hnim,

³⁴ Chuaq Jesus broq bàc ngai brêh ka yinìq. Haq hadai drùh qnoh bàc kiac, mahaq Haq ùh lòh bài kiac doe cleq, majah qmang aih bài kiac aih loq ka haq.

Jesus waiq khàn tanòe hawit

³⁵ Sroeh sroq, jò tróc oe raq clam, Chuaq Jesus loh enh hnim lam tanòe hawit, haq waiq khàn ta aih.

³⁶ Simôn xam bài bua lam chaq haq,

³⁷ Jò hnoq Haq, wì doe: Rìm ngai qnang ti chaq ìh.

³⁸ Chuaq Jesus padreo bàu: “Beq bèn lam taqnoeq, trùh roc plài haten ta kô, dǝq au hu hnài ta aih. Jao aih ìq raq au majah khoe trùh.”

³⁹ Haq lam jàp gùng Galili, hnài ta hnim tagop qyoh rai drùh qnoh kan kiac.

Jesus broq brêh ka mangai bacùn

⁴⁰ I mòeq ngai bacùn trùh ti Haq, rai hacùn cràng rai waiq: Waiq Chuaq! Tàng joq ìh ma waq, ìh broq au brêh.

⁴¹ Chuaq Jesus tamèt ta manoh, haq hnho tì bèq mangai bacùn aih, haq doe: “Au waq, brêh beq.”

⁴² Tajòe qmòe, kan bacùn hnhung hloe haq aih hi jah brêh.

⁴³ Chuaq Jesus the haq aih loh enh gùng rai tanap:

⁴⁴ “Ngan oq! Ùh jah anoe ka cabô loq. Mahaq ìh lam patô rađeh enh ngèa ka òai pajàu, ìh khoe jah brêh qmat, ìh dèch ramènh troeq bàu Môise the ðòeq anoe patô ka wì.”

⁴⁵ Yàng èh, loh enh gùng, haq bahìa yiniq kô, lam pang leq haq anoe pang aih, jaq Chuaq Jesus loh ka pi jah mùt ta plài ka lem, haq ep oe ðeh enh gùng, oe tanòe hawit, èh wì phù cròng jàp jìa trùh ti haq.

2

¹ Bìaq hì atìq ka aih, jò Chuaq Jesus wìh hlài ta Cabênaum, wì ta aih tàng doe haq oe ta hnem.

² Wì tagop dabau ta aih bàc joq qnàng. Jaq ajang trong qmang dua ùh anòh oe. Haq hì hnài wì.

³ I mangai trùh, aràng ka haq mòeq mangai pen, i pôn ngai wiang tòng.

⁴ Mahaq mangai bàc hrìn wì haq ùh jah trùh ka haten ka Chuaq Jesus, wì haq hit kùa po hnìm tajang ka nòe Chuaq Jesus hangui, jang nòe trom aih wì cadrai qnoh mangai pen.

⁵ Jò Chuaq Jesus hnoq kan lùì wì aih, Haq doe ka mangai pen: “Kon ôi, ðìq ðòng yiniq lui kon khoe jah caqnaih”.

⁶ Mahaq i bìaq ngai hnài ranenh hangui ta aih, wì haq hèm dèh ta manoh,

⁷ Hagleq mangai kô majah doe qmang aih? Haq jòq pi hòq qmòe ka Boc Plình! Enh gùng ka Boc Plình oe i cabô ma jah caqnaih yiniq lui?

⁸ Ta jòe qmòe jò aih, Chuaq Jesus loq ka manoh wì aih hèm cleg, Haq doe ka wì: “Hagleq pì majah hèm qmang aih?”

⁹ Manoèq kô doe ka mangai pen kô: Yiniq lui kon khoe jah caqnaih, tàng ùh meh doe: Yòng beq! Dèch da ìh dradrah qmat hlài beq! Baiq bàu aih ma leq ma yi hlàu ka anoe?

¹⁰ Mahaq Au enh ka pì loq Kon mangai oe cröng taneh kô í cwiang caqnaih yiniq lui”, khoe aih Chuaq Jesus doe ka mangai pen,

¹¹ “Au thê ìh yòng beq, xùì dradrah qmat hlài ta hnim”.

¹² Mangai pen padinh yòng, dèch dèh dradrah lam enh ngèa dìq dǒng ka wì. Dìq dǒng mangai leq mangai meh hamàih ðeh hra, wì manè apôi Boc Plình rai doe: Bèn qnhòq hmaq hnoq kan halac qmang kô!

Jesus creó ka Lêwi

¹³ Chuaq Jesus wìh hlài kênh haqmai diac raxìq hòm. Haraya mangai trùh ti haq, haq hi hnài wì.

¹⁴ Jò Haq qnang lam ti trong, haq hnoq Lêwi, kon da Aphê qnang hangui ta hnim yǒc thèq. Chuaq Jesus doe ka haq: “Lam tiaq au.” Lêwi hi padinh yòng tiaq hloe haq.

¹⁵ Jò Chuaq Jesus hangui acaq ta hnem Lêwi, i bàc ngai yǒc thèq xam bàì mangai broq trong ùh lem hanoh hangui acaq moeq qmang ti Chuaq Jesus xam mangai tiaq hǒc haq.

¹⁶ Jò mangai hnài ranenh aih bàì mangai moeq bua ka mangai Pharisi hnoq Chuaq Jesus acaq ti bàì mangai yǒc thèq xam bàì mangai broq trong ùh lem, wì bòch bàì mangai tiaq hǒc haq: Gleq

Haq ma acaq pajùm ti bài mangai yǒc thèq xam bài mangai i yiniq lui?

¹⁷ Tàng bài aih, Chuaq Jesus hi doe ka wì: “Mangai tadêh ùh nhet cleq ka mangai broq jreo, mahaq mangai ùh hrǒc mà nhet đêh, au trùh ùh xài đòeq creó ka mangai taq atoq mahaq đòeq creó ka mangai i yiniq lui”.

¹⁸ Jò aih, mangai tiaq hǒc da Jon xam mangai ma tiaq hǒc da mangai Pharisi ðiq apàm ka acaq. I mangai trùh bòch Chuaq Jesus: Hagleq mangai tiaq hǒc da Jon xam mangai ma tiaq hǒc da mangai Pharisi ðiq apàm ka acaq, mangai tiaq hǒc da ìh ma ùh apàm?

¹⁹ Chuaq Jesus doe: “Jò acaq yineang, bài bua cla Kon ǒng ma wìa ka apàm ka acaq jò cla kon ǒng oe raq ti wì?

²⁰ Mahaq, trùh jò wì ma hi qnung cađac Haq, hì aih èh wì ma hi apàm ka acaq.

²¹ Ùh i mangai leq yǒc ahyah neo clep qmùt ta blah eo dùnh, broq qmang aih, calep neo dùng hyah ka eo dùnh, teo hyah aih rai hamoq ùh hnau ka adroe hòm.

²² Hanoh ùh i mangai leq yǒc alac neo ùc qmùt ta abôq akia dùnh, broq qmang aih, alac broq ka abôq akia padah, alac ta-ùc, abôq akia hanoh pi oe.

Hrát kaq hadròc qmau

²³ Wop hì Sabat, Chuaq Jesus xam mangai tiaq hǒc lam trong ðùng qmau, jò lam ti trong, mangai tiaq hǒc git hadròc qmau hu kaq.

24 Mangai Pharisi hnoq, wì doe ka haq: Ìh ngan tau, hagleq mangai tiaq hõc Ìh broq yiniq ma ùh khòh broq ta hì Sabat?

25 Chuaq Jesus doe: “Pì ma qnhòq đõc ta hset, bùa Đawit broq cleq jò haq xam mangai tiaq haq pangot qmòh?”

26 Qnhòng Abitha broq pajàu kàn, bùa aih mùt tanòe hnìm kùh waiq Boc Pình, bùa aih acaq bèn h wì ma padon, hadai am ka wì ma lam tiaq haq acaq diq, hì loq bèn h aih toq bài mangai pajàu ma khòh acaq?”

27 Khoe aih, Haq doe: “Tiaq kon mangai kò majah broq loh hì Sabat, ùh xài jao hì Sabat ma jah broq loh kon mangai.

28 Qmang aih, Kon Mangai broq craq hì Sabat.”

3

Mangai ngwenh tì

¹ Yàng qnoeq, Jesus mùt tanòe hnìm tagop qyoh, ta aih i mòeq ngai gualô ngwen moeq pah tì.

² Ta aih i qnah ngai rap chaq nen hu rùp haq, wì hamrìh ngan hì sabat haq i broq brèh ka mangai aih ùh, òeq hu tah hadrah ka Haq.

³ Chuaq Jesus doe ka mangai angwen tì: “Yòng beq! lam oe taqne kò.”

⁴ Khoe èh Chuaq Jesus bòch wì: “Tiaq ranen h hì Sabat, broq trong leq ma troq! Khòh broq trong lem loq khòh broq trong qmèq? khòh dèch mangai, loq khòh jèh cađac mangai?” Mahaq diq ka wì oe hatinh đõng.

⁵ Haq haqmiang ngan dudan ka wì, rai nòeh rai mangò ka manoh wì ma cadoq hrìn, khoe aih haq

doe ka mangai angwen tì: “Hnhu tì ìh qmat!” haq aih hi bahnho h dèh tì, aih tì haq hi brêh.

⁶ Bài mangai Pharisi loh hloe jò aih raq, wì dra h taqmùt pajùm ti bua Hêrot ðòeq hatình ka dabau chaq trong jêh ðac Jesus.

⁷ Chuaq Jesus xam mangai tiaq hóc wia enh aih, wì haq loh ta haqmai diac raxìq, haraya mangai trùh enh gùng Galili, Judê

⁸ enh Jêrusalem, gùng Ydumê, wì pah tau cròng diac Joðan, hloe xam gùng Tyro gùng Sidôn, hìa tàng bài yiniq haq ma khoe broq, wì trùh ðìq ta Haq.

⁹ Mangai bàc pi cajaq, haq hi thê dèh mangai tiaq hóc palauq ðòeq ka haq mòeq toq boang qyoh, ðòq wì ùh hìaq dahren ka haq.

¹⁰ Haq khoe broq bàc ngai jah brêh ka hìnìq, aih ìq bài mangai ùh hróc majah àu hnen waq ka jah bèq Haq.

¹¹ Jò bài kiac dù hnoq Chuaq Jesus, wì bla op anòe jènh haq, rai breo: Ìh kô kon Boc Plình!

¹² Mahaq Chuaq Jesus ùh lòh wì aih anoe ka cabô loq ka haq.

Ràih yǒc moeq jàt baiq ngai

¹³ Khoe aih, Chuaq Jesus tǒc ta wang, haq creo ka bài mangai haq ma enh, wì aih hi trùh ti haq.

¹⁴ Haq hi ràih yǒc moeq jàt baiq ngai, ðòeq hu oe ti haq, èh ðòeq haq hu thê wì loh lam hnài bàu lem,

¹⁵ Haq am ka wì aih cwìang itai ðòeq drùh hnan kan kiac.

¹⁶ Kô! yiniq wì moeq jàt baiq ngai tiaq cla Haq ma khoe ðì: Simôn, Haq yiniq hlài Phiero,

¹⁷ Jaco xam Jon oh haq, wa aih kon Xêbêdê, Haq yiniq am ka wa Bô-a-net (aih la kon calô da kan camlet kan cađah),

¹⁸ Anrê, Philip, Bathêlemy, Mathio, Thôma, Jaco kon da Aphê, Thađê, Simôn, mangai Canaan,

¹⁹ Hloe xam Juđa Icariôt, mangai ma blòq đac Haq.

Loh yiniq lui ka Yiang Hadròeh

²⁰ Atiq ka aih, Chuaq Jesus mùt tanòe hnim, i bàc ngai tagop dabau ta aih, Chuaq Jesus xam mangai tiaq hóc loh ka pi jah acaq.

²¹ Jò wì oh daq Haq tàng qmang aih, wì trùh òeq hu padràng haq, majah qmang aih wì doe haq khoe rawè.

²² I bài mangai hnài ranenh loh enh Jêrusalem, wì aih doe: Mangai qmat, kiác Bênxebun khoe mùt ta chac haq, haq qmat canòm ka cla craq kan kiác òeq drùh qnoh kiác.

²³ Chuaq Jesus creó ka wì aih, haq aliah ka wì: “Satan hnan cla Satan qmang leq majah?”

²⁴ Tàng joq diác leq tò lah rađeh, diác aih èh pi dràng yòng,

²⁵ Hnim leq, to lah rađeh, hnim aih èh hadai pi dràng yòng.

²⁶ Qmang aih, tàng joq Satan yòng tablêq ka cla rađeh, aih ajoq haq hit dađeh, haq yòng qmang leq ma oe dràng, ajoq haq khoe trùh dèh jò lùng pác.

²⁷ Ûh i mangai leq jah mùt ta hnim mangai dèh padren òeq hu atùng, tàng joq ùh kàt òeq cla mangai aih adroe, ep kàt cla haq aih òeq, khoe aih men jah atùng yóc hang ta hnim haq.

²⁸ Au anoe joq qnàng ka pì, yiniq lui kon mangai òiq jah caqnaih òng xam rìm nà tapoch qmèq ka Boc Plình hanoh qmang aih.

²⁹ Mahaq cabô tapoch qmèq ka Yiang Hadròeh, yiniq lui aih ùh jò leq jah caqnaih, haq pòq hloe dèh mòeq òe”.

³⁰ Chuaq Jesus ma jah doe qmang aih, jao wì aih doe: i kiác oe ta chac haq.

³¹ Jò miq Chuaq Jesus xam bài oh haq trùh, wì aih yòng enh gùng, thê mangai lam doe ka Haq. Bài mangai bàc dua oe raq dù danh ka Haq.

³² I mangai lam doe ka Haq: Miq xam oh ìh wì oe enh gùng, wì enh chaq ìh.

³³ Mahaq Haq doe ka wì: “Cabô miq au, cabô oh au?”

³⁴ Haq ngan wì ma hangui tap òan ka haq rai doe: “Hatau miq au, xam bài oh òaq au!”

³⁵ Mangai leq broq tiaq manoh Boc Plình, aih raq oh òaq calô, oh òaq ca òrì, aih raq miq au.

4

Aliah trùh mangai rai adrech

¹ Chuaq Jesus hnài hòim tanòe haqmai diac raxìq. I bàc ngai tagop ti dabau oe òuan ka haq. Haq cadiang tòc hangui ta boang, bài wì mangai bàc oe òiq tago ti kênh haqmai diac.

² Haq yòc bàu aliah hnài wì bàc trong, jò hnài wì, haq doe:

³ “Tamàng kô, i mòeq ngai lam rai dèh adrech.

⁴ Jò haq qnang rai adrech, i tang qnah adrech taclìh ti trong lam, khoe aih i chìm loh jòh caq òng;

⁵ qnah hò m taclìh tanòe hmo raga, ta aih taneh toq biaq, adrech aih rên h plôh, majah qmang aih taneh catùh ùh jrùq.

⁶ Mahaq jò mat mahi tồc haqn hèq, kan tôq jraq, haq hi cachit ka croh, majah qmang aih haq ùh i ka riah.

⁷ Mòeq qnah hò m taclìh ta xèm yila, xèm yila èh rai cràm, padit cađac haq loh ka pi hróc sróc.

⁸ Maqnoeq taclìh nòe taneh lem, jah yòng kàn, loh ka tacon, mòeq pliang jah piq jàt, mòeq pliang jah tadràu jàt, pliang qnoeq jah moeq hrinh."

⁹ Khoe aih Haq doe: "Cabô i don, tamàng beq!"

¹⁰ Jò Chuaq Jesus oe đeh moeq ngai, bài wì ma oe dudan xam mòeq jàt baiq ngai tiaq hóc bóch haq bàu aliah aih anoe cleq.

¹¹ Haq doe ka wì: "Kan hlep oe ta diac Boc Plinh khoe patô am ka pi loq. Mahaq bài wì ma oe enh gùng tau, rìm yiniq đìq anoe ka wì xam bàu aliah."

¹² Qmang aih dồq wì ngan mahaq ùh hnoq cleq, tamàng aih tàng, mahaq ùh qnì cleq, ùh qmang aih wì tawìh hlài ajoq wì haq jah claih dèh yiniq lui."

¹³ Khoe ka aih Haq doe ka wì: "Pì ùh qnì tàng bàu aliah aih qmòh? Aih èh broq qmang leq pì ma loq tàng rìm bàu aliah qnoeq?"

¹⁴ Mangai loh rai adrech aih mangai rai bàu lem.

¹⁵ Mangai oe ti trong, aih mangai khoe jah bàu mùt ta manoh, mahaq bu tàng bàu aih, tajòe hloe jò aih raq kiac Satan trùh blah yóc hloe bàu ma khoe rai ta manoh wì haq.

¹⁶ Hadai tiàh ka qmang aih diq, mangai jah adrech taclìh nòe raga, aih bài mangai bu tàng bàu

khoe diq jaq lem bùi yǒc ka raḏeh.

¹⁷ Mahaq ta manoh cliac wì haq ùh i ka riah, rìh toq biaoq hì, glàm kan tagah, kan baxa taiq bàu aih, wì tacro draq drình jò aih raq.

¹⁸ Èh da bài mangai qnoeq hòmh, tìah ka adrech cìh nòe xèm yila, khoe tàng bàu,

¹⁹ mahaq loq lèt ka rìh qmòe qnhòng kô, enh waq toq ka padrǒngkan, xam bài yiniq qnoeq hòmh mùt ta manoh wì haq wiang padit caḏac, bàu lem loh ka pì caqmon.

²⁰ Mahaq mangai qnoeq hòmh, tìah ka adrech taclìh nòe taneh lem, aih bài mangai tàng bàu, wì wê yǒc bàu aih, loh plì, mòeq pliang jah pìq jàt, pliang qnoeq jah tadràu jàt, pliang qnoeq jah moeq hrình”.

²¹ Haq doe hòmh ka wì: “I cabô bùh ḏen mahaq gùp xi caḏap tàng ùh meh ḏòeq ta caqnàm jàng loq ùh? Ma ùh xài ḏòeq tanòe haqnèq?”

²² Majah qmang aih ùh i cleq hlèp èh wì ma ùh hnoq, ùh i yiniq leq cadoc èh wì ma ùh paqnoh.

²³ Tàng cabô i don, tamàng beq”.

²⁴ Haq doe hòmh: “Rabiaoq haq oq, rìmh trong pì ma tàng, pì tǒng xam ranac leq, ranac aih raq wì ma hu tǒng hlài ka pì, ra-ùng haq tah tam ùh hnau ka aih hòmh.

²⁵ Majah qmang aih, brì ka am tam ka mangai leq khoe i, mahaq mangai leq ma qnhòq i, doeh yǒc hloe yiniq haq ma khoe i”.

²⁶ Haq anoe hòmh: “Diac Boc Plình tìah ka mangai rai adrech ta taneh,

²⁷ yac cla haq aih kùì, yac cla haq rìu, dahì damang ardech aih dua plòh ḏeh, cla haq ma i

loq qmang leq.

²⁸ Majah qmang aih taneh broq dèh ka long aih loh plì, baxèm aih loh long, atìq aih loh riang, khoe aih riang loh plì.

²⁹ Jò plì hi dùm, haq hi qnoh pla haiq, majah qmang aih khoe trùh jò gat."

³⁰ Haq doe hòm: "Bèn yǒc cleq hu aliah ka diac plình kô èh, yǒc kan patiah leq òòeq hu paqnoh?"

³¹ Diac aih tiah ka adrech habài: Jò wì rai haq aih yeo qyoh òìq òǒng ka adrech qnoeq.

³² Mahaq jò khoe rai, haq hi jah plòh, haq yeo kàn òǒng ka cachìq qnoeq, loh hamenh kàn, jaq chìm met lam broq qmòe pù ta aih."

³³ Haq yǒc bàc trong aliah qmang aih, òòeq hu hnài wì rìm trong, tiaq dèh wì bu loq tàng dàng leq.

³⁴ Yac ka jò leq hnài wì dua haq yǒc bàu aliah òòeq hu hnài, mahaq jò ùh i ka mangai qnoeq, haq hi capoch ka hloh òòq bài mangai tiaq hǒc loq tàng.

Bahùt taqne diac

³⁵ Hì aih jò mahì khoe haqneq, haq doe ka bài mangai tiaq hǒc: "Beq bèn tǒc apah tau."

³⁶ Jò Haq khoe thê bài mangai bàc hlài, haq tǒc ta boang, bài mangai tiaq hǒc chùng boang qnung haq lam, i bài boang qnoeq hadai lam tiaq.

³⁷ I kan bahùt kàn, lai laq dèh tep ta boang, diac ten bình qmòe ta boang.

³⁸ Mahaq oe enh cloh boang, Chuaq Jesus angèn gàu ajang gòiq haq kùì. Mangai tiaq hǒc tùh padriù haq: Mangai hnài! bèn cachìt manòeq raq ìh ùh lèt qmòh?

³⁹ Haq hi yòng, lech ka cayeo rai tagàih ka diac: “Hatinh beq, rangep beq!” Cayeo hi diq, diac loh ka hatinh hatot hloe.

⁴⁰ Khoe aih Haq bòch mangai tiaq hõc: “Hagleq pì ma yùq, pì qnhòq i manoh lùì qmòh?”

⁴¹ Wì mangai tiaq hõc tarìt qmòe rai bòch dabau: Òq mangai kô ìq cabô? Jaq trùh cayeo, trùh lai laq diac raxìq, diq iu bàu haq!

5

Mangai Jêrasê

¹ Chuaq Jesus xam mangai tiaq hõc tõi trùh tago apah tau diac, tagùng Jêrasê.

² Haq bu cadiang loh enh boang, tajòe qmòe i moeq ngai kiach khoe pawè, tùh loh enh nòe cadràng hanang lam ajang ngèa Chuaq Jesus.

³ Mangai aih haq rìh toq roc nòe cadràng hanang, yac ka wì kàt haq xam caxi datoeq dua ùh dràng.

⁴ Majah qmang aih khoe bàc yàng wì clang jènh tì haq dua haq goh wah cađac, pì cabô oe blêq haq.

⁵ Xèq ka hì qngah ka mang haq rangòt roc ralùng hanang xam ta wang, cachech, cajiah yõc hmo xah dèh ta chac.

⁶ Oe enh hangai haq hnoq Chuaq Jesus, haq cadàu tùh kùn cràng ajang ngèa Chuaq Jesus,

⁷ rai breo ka dèh: Jesus, kon da Boc Plình ma haqnèq, Ìh enh broq cleq ka au? Au canòm yiniq Boc Plình hu doe ka ìh apaq baxa dèh ka au!

⁸ Majah qmang aih Chuaq Jesus i doe ka haq: “Kiac dù meh, drah loh enh gùng ka mangai kô.”

⁹ Chuaq Jesus bòch haq hòm: “Gè qmat yiniq cleq?” Haq aih doe: yiniq au bài linh, majah qmang aih nhèn bàc haraya,

¹⁰ èh haq toq cali calo ka Chuaq Jesus apaq hnan qnoh wì haq loh enh gùng aih.

¹¹ I moeq calùh chùa qnang acaq ta hidroe wang haten ta aih.

¹² Kiac aih bòch Chuaq Jesus: ìh am nhèn trùh ajang calùh chùa tau, dōq nhèn mùt ta bài chùa tau. Chuaq Jesus òq bàu.

¹³ Bài kiac aih hi loh enh mangai aih, mùt ta chac calùh chùa, bài chùa oe enh bùc haqnhèq hadrùc loh ta hlǝng, jah qnah ta baiq muàn toq chùa cachit ta diac raxìq.

¹⁴ Bài mangai ban chùa cadàu amot, wì haq anoe hlài yiniq kô jàp ka gùng ka plài ta aih. Dìq ka mangai ta gùng aih dahrôq loh ngan yiniq aih.

¹⁵ Jò wì haq trùh ajang nòe Chuaq Jesus, wì haq hnoq mangai ma i calùh kiac oe ta chac, qnang hangui, atàc eo kwàn, gàu ngoc haq khoe talang, wì dìq jaq crè.

¹⁶ Bài mangai ma khoe hnoq yiniq aih, anoe hlài ka wì qnoeq tàng yiniq ma khoe trùh ka mangai i kiac mùt ta chac, anoe hloe yiniq ma khoe loh ka calùh chùa.

¹⁷ Khoe aih dìq ka mangai ta aih hi pi lòh Chuaq Jesus mùt dèh ta gùng.

¹⁸ Jò Chuaq Jesus bu cadiang tǝc ta boang, mangai adroe nèh kiac ma khoe pawè, haq bòch tiaq.

¹⁹ Chuaq Jesus ùh am haq tiaq, mahaq Chuaq Jesus doe ka haq: “Hlài ta hnìm ìh beq, anoe ka

oh daq ìh loq Chuaq khoe broq am ka ìh yiniq kàn dāng leq, haq khoe loq waq ka ìh qmang leq.”

²⁰ Mahaq mangai aih loh lam anoe jàp moeq jàt baiq plài oe ta cròng aih. Haq taqmon hlài yiniq kàn dāng leq Chuaq Jesus khoe broq am ka rađeh, Dìq ka mangai tàng hamàih đeh hra.

Kon cadrì Jairu

²¹ Jò Chuaq Jesus xam mangai tiaq hóc loh ta boang tócc pah tau, i bài mangai bàc tagop ti da bau oe dudān ka haq, haq oe ti haqmai diac ra xìq.

²² Ta wì mangai ma broq gàu hnim tagop qyoh, i mòeq ngai yiniq haq Jairu, trùh ti Chuaq Jesus, jò bu hnoq Chuaq Jesus haq hacùn cràng ajang nòe jènh Chuaq Jesus.

²³ Haq anoe: Kon cadrì au ma qyoh, ten cachìt, au canòm đeh ka Ìh trùh bèq chac haq, dōq haq hu jah rìh hlài.

²⁴ Chuaq Jesus lam ti haq, bài mangai bàc hadai lam, wì ti dānnen ka haq.

²⁵ Ta aih i mòeq ngai gùcadrì da hrôq mahim khoe moeq jàt baiq hanam,

²⁶ khoe bàc hanam haq xalep ta tì kōng bài mangai broq jreo, khoe dīq dōng dèh ka bàc jèn kùng hang, dua ùh yeo, mahaq yiniq aih èh rai hrìn tam.

²⁷ Haq tàng wì anoe trùh Chuaq Jesus, haq thia đeh enh rù, pachiu taqne mangai bàc òeq hujah bèq eo Chuaq Jesus.

²⁸ Majah qmang aih haq doe: Tàng joq au jah bèq đeh toq haqmai eo haq raq, aih au loq đeh brêh.

²⁹ Tajòe qmòe jò aih, mahim hi atàt, haq tàng dèh ta chac khoe brêh.

³⁰ Jò aih raq, Chuaq Jesus loq i padren khoe loh dèh enh chac, haq hwi hlài taqne mangai bàc haq bòch: “Khoe bèq au?”

³¹ Bài mangai tiaq hóc doe: Ìh hnoq bài mangai bàc qmang qmat dahnen ka ìh, ìh ma oe bòch: Cabô bèq eo au?

³² Mahaq dua Chuaq Jesus hwi dudan hu chaq mangai leq khoe broq qmang aih.

³³ Mangai gùc cadrì loq yiniq leq ma khoe trùh ka rađeh, rai yùq crè, haq hacùn cràng enh ngia Chuaq Jesus rai anoe paqnoh dìq dõng.

³⁴ Chuaq Jesus doe ka haq: “Yôiq kon cadrì au, manoh kon lùì khoe broq kon jah brêh. Lam beq lam ka catèm brêh ka yiniq.”

³⁵ Chuaq Jò Jesus oe raq tapoch, i mangai trùh enh hnim Jairu, mangai broq gàu tanòe hnim tagop qyoh, wì aih doe: Kon ìh khoe cachìt, ìh oe pangài dèh ka haq qmat?

³⁶ Mahaq Jesus ùh tamàng bàu aih, haq doe ka Jairu: “Apaq yùq, ìh rap toq lùì raq.”

³⁷ Chuaq Jesus ùh am mangai leq tiaq haq enh gùng ka Phiero, Jaco xam Jon oh Jaco.

³⁸ Jò khoe trùh ta hnim mangai broq gàu nòe hnim tagop qyoh, Haq hnoq wì broq ma tagràng, qnah ngai hmoe, qnah ngai cajiah.

³⁹ Jò khoe mùt ta hnim, Haq doe ka wì: “Gleq pì ma jah tagràng qmang qmat? Kon qyoh kô ùh xài cachìt, qmat xài haq kùì”.

⁴⁰ Wì do rai halê Haq. Haq thê wì loh dìq dõng, òdeq toq miq baq kon qyoh aih xam mangai tiaq

Haq, hanoh wì haq hi mùt tanòe tangùi kon qyoh aih.

⁴¹ Haq rùp tì kon qyoh aih rai doe: “Ta-li-tha-Cu-mi.” (bàu aih doe rameh: Yôiq kon cadrì qyoh, Au the gè yòng beq.)

⁴² Kon mangai qyoh aih padinh yòng rai cadi-ang lam, majah qmang aih haq khoe jah moeq jàt baiq hanam. Wì dìq jaq hamàih.

⁴³ Haq panhet wì ùh dùh am ka cabô loq yiniq aih, khoe èh Haq the wì am kon qyoh aih acaq.

6

Jesus hlài dèh ta gùng

¹ Chuaq Jesus loh enh aih hlài dèh tagùng, bài mangai tiaq hóc hadai lam ti Haq.

² Trùh hì Sabat, haq hi hnài tanòe hnìm tagop qyoh, tàng bàu haq hnài, wì dìq jaq hamàih, wì bòch dabau: Bài yiniq kô haq jah ðeh enh leq? Kan rabiaq meh iq qmang leq? Jaq bài trong halac qmang meh haq broq dua jah haq qmat?

³ Qmat ùh joq mangai thòq broq long, kon da Mari, daq bài Jaco, Jôsep, Judà, Simôn qmòh? Bài oh cadrì haq ma ùh xài oe taqne bèn kô qmòh? Wì hi catoeh ka haq.

⁴ Mahaq Chuaq Jesus doe ka wì: “Mangai pajàu toq tagùng cla, oh daq cla, hnìm cla raq ma ùh ta-iu ka haq.”

⁵ Ta aih Haq ùh broq kan halac cleq, enh gùng ka yóc tì bèq biaq ngai ùh hróc dōq wì aih jah brêh.

⁶ Haq loh ka hamàih majah qmang aih hnoq manoh wì ùh lùì.

Khoe aih haq lam jàp plài ten aih hu hnài wì.

Moeq jàt baiq ngai Tiaq cla loh lam

⁷ Haq creo dèh ka moeq jàt baiq ngai Tiaq cla, thê wì lam tang racop baiq ngai, haq am ka wì aih cwìang drùh qnoh kiác chốc.

⁸ Haq tanap ka wì lam ti trong apaq wê cleq enh gùng ka mỏeq toq long canhra, yac ka bẻnh yac ka ayôp, apaq wê bẻc ta caqnam,

⁹ enh gùng ka tẻc jep, ùh dùh wê racop baiq blah eo.

¹⁰ Haq doe ka wì: Jẻ pì mùt ta hnim cabỏ, pì hi oe hloe ta aih trùh hỉ pì loh lam.

¹¹ Tẻng i nẻle leq ùh waq đỉh pì, ùh tamẻng bẻu pì, drah loh enh aih rai hapủih blo ma khoe top ta jẻnh pì, đẻoq broq acang ka wì hnoq.

¹² Moeq jàt baiq ngai Tiaq cla loh lam anoe hnẻi đỏq rừm ngai loq raxach,

¹³ drùh hnẻn qnoh bẻc kiác chốc, xủt dẻu am ka bẻc ngai yỉnẻq rai broq brẻh ka wì.

Jon Baptit cachẻt

¹⁴ Bẻu Hẻrỏt tẻng wì anoe trùh Chuaq Jesus, (majah qmang aih yỉnẻq Chuaq mangai khoe loq đẻh hra jẻp jẻi) haq doe: Jon mangai broq bẻptem, cachẻt khoe rừh hẻi, ha-aih haq men jah broq bẻc trong halac.

¹⁵ Mangai qnoeq hỏm doe: Aih Êli, qnah ngai qnoeq doe: Aih mangai pajẻu dừnh qnhỏng calah nẻh.

¹⁶ Mahaq da bẻu Hẻrỏt doe: Aih raq Jon, mangai au khoe thẻ pot ranẻng, haq khoe rừh hẻi.

¹⁷ Majah qmang aih, Hẻrỏt i thẻ wì rủp clẻh Jon ta hnim cadrong, xẻm goe haq oe ajang nẻẻ bẻu

Hêrot yôc Hêrô-đia aih cadrì da Philip oh cla bùa Hêrot raq, ðòeq broq mai.

¹⁸ Jon i bàu ùh lòh haq rameh: Bùa ùh khòh yôc cadrì dèh oh broq mai.

¹⁹ Aih ìq, Hêrôđia majah git ka Jon, enh chaq trong jêh cađac haq.

²⁰ Mahaq ùh jah jêh, majah qmang aih Hêrot crè ka Jon, loq Jon kô aih mangai hadròeh, mangai taq atoq. Bùa chaq trong wèq Jon, jò khoe tàng bàu Jon, ta manoh bùa toq manhài, mahaq dua bùa enh tamàng.

²¹ Yàng èh taqnàih, wop glàm hì acaq ôq manè hì ha-uang bùa Hêrot, bùa akhen ka bài cwan kàn, cwan wèq bài lình, xam ðìq ðông gucraq ta gùng Galili.

²² Kon adrùh da Hêrôđia mùt muaq ta aih, lem ka manoh bùa Hêrot xam bài mangai acaq ôq hì aih. Bùa doe ka kon mangai adrùh aih: Drah bòch beq enh waq cleq, au hu am.

²³ Bùa hapah ka haq aih rameh: Waq toq hi bòch cleq, dua au am, pah axon taneh diac kô ùh loe.

²⁴ Mangai cadrì aih loh enh gùng, hatùang dèh ka miq: Au bòch cleq ma yeo troq kô? Miq haq doe: Bòch gàu Jon Baptit.

²⁵ Mangai cadrì aih drah mùt ajang bùa, haq doe: Au enh ìh yôc gàu Jon Baptit tah ta ðòt kàn am ka au manòeq raq.

²⁶ Bùa mangò pi ka jaq, mahaq khoe troq hapah, èh qnah hòm enh ngèa bàc ngai acaq ôq ta aih, bùa pi xèp hangah ka haq.

²⁷ Bùa hi thê dèh lình lam jêh cađac Jon khoe aih aràng gàu haq ta aih.

28 Mangai lĩnh aih lam pot ranõng Jon ta hnĩm cadrong, khoe òh haq tah gàu aih ta dòt kàn aràng am ka kon mangai cadrì, òh mangai kon cadrì aih aràng dèh ka miq.

29 Mangai tiaq hõc Jon hĩa qmang aih, wì lam yõc dèh hanang haq hlài catùh.

Jesus broq bẽnh yàng adroe

30 Moeq jàt baiq ngai Tiaq cla tagop dabau oe dudan ka Chuaq Jesus, anoe hlài ka haq rĩm yiniq wì haq ma khoe broq khoe hnài.

31 Haq doe dèh ka bài mangai tiaq cla: “Beq bèn lam tanòe ma hawit hu padài toq bĩaq.” Majah qmang aih tacô mangai lam hlài bəc hrĩn, jaq haq xam bài mangai tiaq cla met pì dòh jah acaq.

32 Wì haq hì loh ta boang ðoeq hu lam tanoè ma yeo hawit.

33 Mahaq bəc ngai hnoq wì haq lam, wì canau loq, bài mangai oe bəc plài ta gùng aih cadàu trùh adroe tanòe Chuaq Jesus xam bài mangai tiaq cla lam.

34 Jò Chuaq Jesus cadiang tõi enh boang, haq hnoq bəc mangai oe ta aih, haq tadèch qmòe nòeh, haq tamèt ka wì aih, majah qmang aih bài wì aih tiaq ka trũ ùh i ka mangai ban. Haq hì hnài wì bəc trong

35 Trũ jò mat mahì khoe haqneq, mangai tiaq hõc thĩa haten ka Chuaq, wì anoe: Tacô hawit, òh qnah hòm trõi khoe ten xèq,

36 ìh am wì bróc, dòq wì tì mùt roc plài ten tacô hu rot dahwèq acaq.

37 Haq padreo bàu: “Pì kò raq mangai am ka wì acaq.” Mangai tiaq hõc anoe: Qmang aih nhèn ep

dìq loe qne hanam bac kùng abroq hu rot bēnh am ka wì acaq qmòh?

³⁸ Haq bòch: “Pì i toq leq toq bēnh? lam ti ngan beq!” Mangai tiaq hóc lam ti ngan, khoe èh wì doe: Padam toq bēnh xam baiq pliang ka.

³⁹ Haq doe ka bài mangai tiaq hóc thê wì hangui tang apùq tanòe nhat.

⁴⁰ Wì hangui tiaq tang brong, i brong moeq hrinh, brong padam jàt.

⁴¹ Jesus yóc bēnh xam baiq pliang ka, haq qngoc ta plình, manè apui, khoe aih haq goh bēnh qnèp am ka mangai tiaq hóc dôq wì lam am ka wì ma hangui ta nhat acaq, Haq hanoh axong baiq pliang ka qmang aih ka wì.

⁴² Rìm ngai acaq dìq jaq panàc,

⁴³ mangai tiaq hóc toch hlài rah bình moeq jàt baiq talēnh haqnech bēnh xam ka.

⁴⁴ Toq gualô ma acaq hì aih khoe padam muàn mangai.

Jesus lam ti riang diac

⁴⁵ Khoe ka aih, Haq pariaq mangai tiaq hóc drah loh ta boang, hu tồc pah tau adroe ka haq, tangèa qnah ta gùng Bêtsaïđa, jò haq thê bài mangai bac hlài.

⁴⁶ Atìq ka haq talah ka wì, haq tồc ta wang òeòq hu waiq khàn.

⁴⁷ Trùh damang, boang khoe oe taqne diac, cla haq oe moeq ngai tago.

⁴⁸ Haq hnoq bài mangai tiaq hóc chiu boang dìq jaq xalep, majah qmang aih glàm cayeo tạt ngèa wì haq. Trùh ten qngah, haq lam jènh ti riang diac hu trùh ti wì, haq enh lam adroe ka wì.

⁴⁹ Mangai tiaq hõc hnoq haq lam ti riang diac, xoh kiac chõc, wì cajiah,

⁵⁰ Majah qmang aih wì dìq hnoq haq, ùh i cabô ma ùh crê. Mahaq haq drah creo capoch ka wì, haq doe: “Paq yùq, hacô Au kô, apaq yùq.”

⁵¹ Haq cadiang tõi ta boang ti bài mangai tiaq hõc, tajõe qmõe jò aih cayeo hi hatinh hloe. Bài mangai tiaq hõc hamàih ùh hnau adroe ka aih hòm.

⁵² Majah qmang aih, manoh wì haq cadoq yac ka wì khoe hnoq kan halac jò haq broq bênh, dua wì qnhòq qnì cleq.

⁵³ Jò Chuaq Jesus xam mangai tiaq hõc khoe tõi apah tau, trùh ta Gênesaret, wì mùt ta aih.

⁵⁴ Jò bu cadiang loh enh boang, wì gùng aih khoe canau ka Chuaq Jesus.

⁵⁵ Wì drah cadâu jàp gùng aih wì tòng aràng mangai ùh hrõc kùi ta dradrah, waq toq wì hìa haq oe taleq, wì tòng qnàng trùh ta aih.

⁵⁶ Haq lam trùh taleq, yac ka plài qyoh, plài kàn, yac ta gùng leq, wì taqngùi mangai ùh hrõc tanõe chòq, wì bòch haq am ka wì jah bèq ãeh toq haqmai eo haq, mangai leq khoe jah bèq eo haq dìq jah brêh.

7

Ừh qnheo tì

¹ I mangai Pharisì xam bìaq ngai hnài ranenh, wì aih loh enh Jêrusalem, wì oe dudan ka Jesus

² Wì aih hnoq i mangai tiaq hõc, acaq xam tì ùh sròeh, aih ìq wì acaq mahaq ùh qnheo tì.

³ Mangai Pharisi xam diq dõng mangai Judã wèq yõt bàu wì craq dùnh nèh qmon,

⁴ tàng jòq qnhòq qnheo tì ka lem, ùh jò leq wì haq acaq, jò wì haq hlài enh nòe padro atech, tàng joq qnhòq qnheo ãua wì ùh acaq. Wì haq oe tiaq bàc bàu qmon qnoeq hòmh, troeq haliang doe mõi, abòq broq xam taneh, gõi diac.

⁵ Aih iq qmang aih, dài mangai Pharisi xam mangai hnài ranenh majah bòch Chuaq Jesus: Hagleq mangai tiaq hõi ìh ùh wèq tiaq bàu wì craq dùnh nèh haq khoe hnài, gleq wì majah acaq ùh dùh qmòi ka qnheo tì.

⁶ Haq padreo bàu doe: “Wùih! Bài mangai patiah toq enh gùng meh, bàu pajàu Êsai ràu trùh pì nèh joq khoe troq, qmang ka bàu khoe achìh:

Wì kô yõi toq bàu kùh waiq au,

Mahaq manoh wì haq hangai ka au.

⁷ Wì haq kùh waiq au aih joq qngwan, majah qmang aih, wì haq hnài tiaq toq ranenh loh enh bàu kon mangai.

⁸ Pì cađac ranenh Boc Plình, mahaq wèq tiaq bàu kon mangai qmon!”

⁹ Haq doe ka wì: “Pì cađac dõng ranenh Boc Plình, ãoq hu wê tiaq bàu cla qmon.

¹⁰ Majah qmang aih Môise i doe: Thê pì loq iu dèh miq baq, èh qnah hòmh: Cabô hanip ra-òh dèh ka miq baq, mangai aih ep cachìh.

¹¹ Mahaq da pì aih doe: Mangai leq doe dèh ka miq baq: Rìm yiniq au ãoq wiang ban chòp au khoe cõban (bàu aih rameh: au khoe dèch dõng ka Boc Plình.)

¹² Qmang aih mangai aih pi ep wèq ngan miq baq.

¹³ Qmang aih pi yǒc bàu cla raḏeh qmon òòeq hu caḏac bàu Boc Plinh. Oe i bàc trong qnoeq hòmm pi hadai broq qmang aih.”

¹⁴ Haq creò ka bàl mangai bàc ma oe ta aih, haq doe: “Thê pi rai tamàng rai loq tàng,

¹⁵ ùh i ka yiniq cleq oe enh gùng mùt ta chac pi, broq ka pi ùh sròeh, mahaq bàl yiniq enh dalam ka chac pi loh enh gùng, yiniq aih èh ma broq ka pi ùh sròeh.”

¹⁶ Tàng cabô i don, tamàng beq (Bàu kô ta hset dùnh nèh ùh i).

¹⁷ Jò Haq khoe mùt ta hnim, jò khoe hangai ka bàl mangai bàc, mangai tiaq hǒc bòch haq bàu aliah aih.

¹⁸ Haq padreò bàu: “Pi ma ùh i ka manoh loq hèm? Ùh i ka yiniq leq oe enh gùng mùt ta chac mangai, jah broq ka mangai loh ka amùà, bàu aih pi ma qnhòq qnì tàng?

¹⁹ Majah qmang aih bàl yiniq aih ùh i mùt ta manoh mangai, mahaq bàl yiniq aih loh hloe ta padùc, khoe aih hi loh enh gùng. Qmang aih haq doe: Yiniq acaq aih òìq lem.

²⁰ Haq doe tam: “Yiniq leq loh enh chac mangai aih ma broq ka mangai ùh sròeh!

²¹ Joq qnàng aih enh dalam ka mangai ma jah loh manoh dù, loq taqnung, loq atùng, loq jêh ḏac mangai.

²² Tango anang, daiq plai, ratauq, gôpla, ùh qnì camaih, ta grình, tapoch dech ka wì, panhòm, tapoch blùng.

²³ Bài kan qmèq aih òiq loh enh manoh, aih ma broq ka mangai loh ka ùh sròeh.

Mangai gùcadri I manoh lù

²⁴ Chuaq Jesus loh enh aih haq lam ti kênh gùng Tiro, Haq mùt ta moeq toq hnim aih, ùh enh am cabô loq haq oe ta aih, mahaq ùh hlèp.

²⁵ Bu mùt ta aih, i moeq ngai gucadri haq aih i moeq toq kon cadri qyoh i kiac mùt ta chac, jò haq hia tàng Chuaq Jesus, haq aih mùt pacro dađeh nòe jènh Chuaq Jesus.

²⁶ Gucadri aih mangai Gorec, ha-uang ta gùng Siro Phênisi. Haq canòm đeh ka Chuaq Jesus hnan qnoh kiac loh enh chac kon haq.

²⁷ Chuaq Jesus doe ka haq: “Adroe aih, òòeq da cla wì yoh acaq ka panàc òeq, majah qmang aih yốc bênh wì qyoh acaq caqnìh am ka koq aih ùh troq!”

²⁸ Gucadri aih padreo bàu: Waiq Chuaq, khoe joq qmang aih raq, mahaq bài kon koq oe đeh ta caqnàm jah acaq đeh cràc bênh kon qyoh ma taclìh.

²⁹ Khoe aih Chuaq Jesus doe ka mangai cadri: “Pàng ìh khoe doe qmang aih, kiac majah khoe loh enh chac kon ìh, hlài beq”.

³⁰ Mangai gucadri aih hlài dèh ta hnim, haq hnoq dèh kon oe ta juàng, kiac khoe loh.

Jesus broq brêh ka mangai cùc

³¹ Atiq ka aih, Chuaq Jesus pi oe ta kênh gùng Tiro hòm, haq lam pajang trong gùng Sidôn rai dang jùà loh òiac raxìq Galili, khoe aih Haq mùt ta cròng Đêcaboli.

³² Wì tòng aràng ka haq moeq ngai cìc don rai tapoch ùh hloh, wì canòm ðeh ka Chuaq Jesus yǒc tì bèq mangai aih.

³³ Chuaq Jesus qnung haq aih lam ti raðeh, hangai ka mangai bàc tau, Chuaq Jesus yǒc hadrang tì ðòeq ajang don haq aih, rai yǒc diac hai xùt rapet haq aih.

³⁴ Chuaq Jesus qngǒc ta plình, haq hihèm cadrùq, haq doe: “Ephata, (bàu aih rameh: Ta pèch beq!) ”

³⁵ Tajòe qmòe jò aih raq, don mangai aih hi tapèch, rapet haq aih hadai jah raðah ka lem, mangai aih hi hloh tapoch.

³⁶ Chuaq Jesus ùh am wì anoe ka cabô loq, mahaq haq ùh am dàng leq, wì anoe yeo hnau ka aih hòm.

³⁷ Bài mangai tàng yiniq aih, wì hamàih oe i jaq cleq, wì doe: Haq broq rìm yiniq ðìq loh ka lem ðǒng, broq ka mangai cìc don jah tàng, mangai lâu jah hloh tapoch.

8

Chuaq Jesus qmì pòn muàn mangai acaq

¹ Bài hì aih, i bàc mangai qnoeq hòm lam tiaq Chuaq Jesus, jò wì aih pì i cleq hu acaq hòm, Chuaq Jesus creò ka mangai tiaq hǒc trùh ajang da ðeh, Haq doe:

² “Au ha-och ka bài mangai bàc kô, wì haq oe ti au khoe jah piq hì kô, ùh i ka yiniq acaq.

³ Tàng joq au thê wì haq hlài ta hnìm rai pangot, wì haq loq tacro ti trong majah qmang aih wì haq trùh enh nòe hangai”.

⁴ Mangai tiaq hóc padreo bàu: Mahaq tanòe hawit qmang kô, cabô qnì chaq enh leq ma i bênh tàu ka wì acaq?

⁵ Jesus bòch: “Pì i toq leq toq bênh?” mangai tiaq hóc doe: i tapèh toq!

⁶ Haq thê bài mangai bàc aih haqngui ta taneh; khoe aih Haq yốc tapèh toq bênh, manè apôi Boc Plinh, haq goh bênh aih khoe èh qnèp ka mangai tiaq hóc, ðòeq wì haq lam axong ka mangai bàc acaq, mangai tiaq hóc lam axong ka wì.

⁷ Mangai tiaq hóc hanoh i biaq pliang kon ka qyoh, haq manè apôi Boc Plinh khoe èh thê mangai tiaq hóc lam axong qmang ka yàng adroe ðiq.

⁸ Mangai leq mangai meh acaq qmòe ka tàu joq qnàng. Khoe aih mangai tiaq hóc toch hlài bài hanech oe rah jah qmòe tapèh talênh bình.

⁹ Bài mangai acaq hì aih jah qnah ta pôn muàn.

¹⁰ Atìq ka khoe am wì hlài, haq tồc ta boang ti mangai tiaq hóc, lam ta gùng Đama-nutha.

Blo da mangai Pharisi

¹¹ Bài mangai Pharisi trùh bòch Chuaq Jesus, ðòeq hu chaq trong bahlac haq, wì thê haq am wì hnoq kan halac enh plinh, ðòeq hu qnhro Haq.

¹² Chuaq Jesus hì hèm cadrùq, rai doe: “Hagleq xinoe kô majah bòch ngan kan halac. Au anoe joq qnàng ka pì, ùh i kan halac leq hu am ka pì.”

¹³ Haq hì cađac wì, tồc hlài dèh taboang ðòeq hu tồc pah tau.

¹⁴ Mangai tiaq hóc ùh hmàng wê bênh, taboang i mòeq toq bênh raq.

15 Haq pariaq mangai tiaq hóc: “Ngan oq, pì ep wèq rađeh ma khoe ka blo da mangai Pharisi xam blo bài bua da Hêrot”.

16 Mangai tiaq hóc doe ka dabau: Aih jao bèn ùh i wê bênh.

17 Loq ka trong wì ta hatuàng, Chuaq Jesus bòch wì haq: “Gleq pì ma jah hatuàng ti dabau bèn ùh i ka bênh? Pì ma qnhòq tàng, pì ma qnhòq tem raq qmòh? Manoh pì dua oe raq cadoq yôt qmòh?”

18 Pì i mat mahaq gleq ma ùh hnoq? I don mahaq gleq ùh tàng? Pì ùh hmàng qmòh?

19 Jò au goh padam toq bênh am ka padam muàn mangai acaq, haqnech haq pì toch hlài jah toq leq rajo?” Wì doe: Moeq jàt baiq rajo.

20 Ha yàng au goh tapèh toq bênh am ka pôn muàn mangai acaq, pì toch hlài jah toq leq rajo? Wì doe: tapèh rajo.

21 Haq doe: “Pì dua oe raq qnhòq qnì qmòh?”

Mangai lua mat ta Betsaida

22 Chuaq Jesus xam mangai tiaq hóc lam trùh ta plài Bêtsaida. Wì aràng ka haq mòeq mangai lua mat wì canòm đêh ka haq yóc tì bèq haq aih.

23 Chuaq Jesus carùp tì mangai aih, tìc qnoh enh gùng ka plài, xùt diac hai ta mat haq aih, yóc tì bèq haq aih rai bòch: “Ìh i hnoq cleq ùh?”

24 Mangai lua mat qngoc ta haqnhèq rai padreo bàu: Au hnoq mangai wì haq lam tiah taiq ka long.

25 Chuaq Jesus yóc tì bèq mat mangai aih mòeq yàng hòm, aih mat haq hi tapèh, jah qngah, haq hnoq rìm yiniq dìq jaq hliang.

26 Chuaq Jesus thê haq aih hlài dèh ta hnim rai tanap: “Ừh dùh mùt dèh ta plài.”

Phiero doe Jesus aih raq Christ

27 Chuaq Jesus xam mangai tia hốc loh enh aih, wì lam ta roc plài haten ka Sêsare philip. Jò lam ti trong haq bóch wì: “Wì doe au kô iq cabô?”

28 Wì padreo bàu: Qnah ngai doe Jon Baptit, tang ngai doe Êli, mangai qnoeq hòm doe ìh qmat moeq ngai pajàu dùnh calah nèn.

29 Haq bóch: “Ha pì doe au kô iq cabô?” Phiero padreo bàu: Ìh kô raq Christ!

30 Chuaq Jesus panhet mangai tiaq hốc ùh jah anoe ka mangai qnoeq loq ka haq.

Chuaq Jesus chôn timer anoe trùh dèh kachìt

31 Pang aih, haq hi hnài ka mangai tiaq hốc rameh “Kon Mangai ep xalep bàc trong, bài wì gucraq, bài pajàu kàn xam bài mangai hnài ranenh kèh qnoh đac haq, haq ep cachìt, atìq ka pìq hi haq hi rìh hlài.”

32 Haq anoe hloh trong aih ka mangai tiaq hốc. Phiero qnàng Haq lam ta kên timer rai tagàih haq.

33 Mahaq Chuaq Jesus hwi ngan mangai tiaq hốc rai tapoch ka Phiero: “Wùih Satan meh! Drah wia oe enh rù ka au beq. Majah qmang aih ìh ùh i hèm trùh trong da Boc Plình, mahaq hèm toq trong kon mangai.”

34 Khoe aih haq creo ka bài mangai bàc xam mangai tiaq hốc trùh ajang haq. Haq doe: “Tàng cabô enh tiaq au, haq aih ep cađac rađeh, xùì dèh long pagat đoeq hu tiaq au.

³⁵ Majah qmang aih cabô àu wèq dèh kan rìh, aih èh hnhung, mahaq mangai leq taiq au taiq bàu lem chiùq cađac dèh kan rìh, mangai aih èh jah dèch.

³⁶ Mangai leq i diq dõng crõng taneh kô mahaq cađac hnhung dèh ka mahua yang, aih haq jah cleq?

³⁷ I ka cabô jah yõc cleq ðõe q hu halih yõc hlài dèh mahua yang ùh?

³⁸ Oe taqne nang noe loq taqnung tango, broq toq yiniq lui kô, tàng cabô xep camaih ka yiniq au, camaih ka bàu au, Kon Mangai hadai camaih xep ka mangai aih, jò haq oe taqne kan ranhòm enh Baq haq hu trùh, xam bài ðinh plình hadròeh."

9

¹ Èh Haq doe ka mangai taq hõc: "Joq qnàng Au doe ka pì, pì ma yòng ajang kô i ngai ùh cachit adroe ka jah hnoq diac Boc Plình yõc cwàng itai hu trùh.

Jesus hatuàng ka wa Môise wa Êli

² Atiq ka tadrâu hì, Chuaq Jesus aràng Phiero, Jaco xam Jon tiaq haq tõi ta wang haqhèq, ùh i ka mangai qnoeq ta aih, toq wì haq raq. Ta aih Haq wìh wìa enh ngèa wì piq ngai.

³ Eo Haq loh ka taboc camla diq jaq, ùh i mangai leq oe ta crõng taneh broq taboc jah qmang aih.

⁴ Êli xam Môise loh hatuàng ti Haq.

⁵ Phiero doe ka Chuaq Jesus: Rabi! Bèn oe ta kô lem joq qnàng, beq broq piq toq ranòh, moeq toq ka Ìh, moeq toq ka Môise, moeq toq hòh ka Êli.

⁶ Phiero ùh qnì qmòe ðeh doe cleq, majah qmang aih ðìq ka wì haq yùq crè pi ka jaq.

⁷ khoe aih i moeq cato yùc kàn glàp wì haq, enh yùc aih i bàu doe: “Kô raq Kon calô da Au, mangai Au ma loq waq ðèh, the pì tamàng bàu haq.”

⁸ Jò aih, bài mangai tiaq hõc hwi ngan dudan, cadoe pì hnoq cabô, enh gùng ka moeq ngai Chuaq Jesus raq ma oe ti wì.

⁹ Jò wì loh enh wang, haq ùh lòh mangai tiaq hõc anoe hlài ka cabô loq bài yiniq wì haq ma khoe hnoq, trùh jò leq Kon Mangai khoe rìh hlài enh cachìt.

¹⁰ Mangai tiaq hõc wê bàu aih, wì bòch dabau: Cachìt rìh hlài, aih ìq haq doe cleq?

¹¹ Mangai tiaq hõc bòch haq: Hagleq bài mangai hnài ranenh ma doe Êli ep trùh adroe?

¹² Chuaq Jesus padreo bàu: “Jòq Êli ep trùh adroe, ðòeq hu palauq hlài rìm trong. Aih ìq hagleq majah i bàu achìh Kon Mangai ep xalep bàc trong, wì halê cađac haq?”

¹³ Mahaq au doe ka pì Êli khoe trùh, wì tabroq ka haq tiaq ðèh manoh wì ma enh, wop troeq bàu ma khoe achìh trùh haq.”

Mangai kiac pawè

¹⁴ Jò Chuaq Jesus xam piq ngai aih lam trùh ajang nòe bài mangai hanoh tiaq hõc, hnoq mangai bàc pi ka jaq oe dudan ka wì aih, èh i mangai hnài ranenh tarahen ka bài mangai tiaq hõc aih.

¹⁵ Bài mangai bàc aih bu hnoq haq wì khoe hamàih, wì tùh ta haq.

16 Haq bòch wì: “Pì rahen ka mangai tiaq hõc au yiniq cleq?”

17 I moeq ngai ta aih tèu bàu: Mangai hnài! Au aràng dèh kon trùh ka ìh, kiac lâu khoe pawè haq,

18 yac ka qnang oe taleq, jò kiac hi mùt ta haq broq ka haq loh ka troq kênh, loh toq diac hai camùh, cadrit hanenh, haq loh ka gang got hloe, au canòm ðeh ka mangai tiaq hõc drùh qnoh kiac aih, mahaq ùh jah.

19 Chuaq Jesus doe: “Wùih! nang noe ùh qnì lùì tau, Au oe jah oe ti pì trùh pang leq? Au ep àt ka pì trùh jò leq hòmh? Qnàng kon mangai qyoh aih ka au”.

20 Wì hi qnàng kon qyoh aih ka haq. Kon qyoh aih bu hnoq Chuaq Jesus, kiac khoe rapôh haq, haq tacro ta taneh, cadro cadria hacùng loh toq diac hai.

21 Chuaq Jesus bòch baq haq: “Haq loh ka qmang kô dùnh neo?” Baq haq tèu: enh qyoh nènraq.

22 Kiac khoe bàc yàng khwênh qnìh haq ta ùnh, ta diac, hu jêh ðac haq, mahaq ìh broq cleq jah, ìh ha-och rai broq biaoq ka ma ðiq!

23 Chuaq Jesus doe: “Hagleq ìh majah doe: Tàng ìh broq jah? Waq toq cabô hi lùì rìm yiniq ðiq jah”.

24 Baq kon mangai qyoh aih drah doe: au lùì ìh, Waiq Chuaq! Ìh wiang biaoq da au ajang kan ùh qnì lùì aih.

25 Jò Chuaq Jesus hnoq mangai bàc trùh, Haq lech ka kiac aih rai thê: “Kiac clic rai lâu meh, au thê gè loh enh kon mangai qyoh kô, pang kô ta èh pì jah pawè haq hòmh”.

26 Kiac rai cajiah rai rapôh kon qyoh aih cadêh,

khoe kiac hi loh, kon mangai aih tiah qmòe ka khoe cachit, bàc ngai crè wì doe: haq khoe cachit.

²⁷ Mahaq Chuaq Jesus rùp tì dèch haq hi yòng.

²⁸ Jò Chuaq Jesus khoe mùt ta hnìim, mangai tiaq hóc thia haten wì chop bòch: Gleq nhèn drùh kiac aih ùh jah?

²⁹ Haq doe: “Tàng ùh waiq khàn ùh i cabô drùh qnoh kiac aih jah.”

³⁰ Khoe aih Chuaq Jesus xam mangai tiaq hóc loh enh aih, lam pagat trong Galili, Haq ùh enh dōq ka cabô loq wì haq qnang oe taleq.

³¹ Majah qmang aih haq khoe hnài dèh mangai tiaq hóc, haq doe: “Kon mangai kô èh mùt ta tì wì, wì jêh cađac, haq cachit piq hì khoe èh rìh hlài.

³² Mahaq mangai tiaq hóc ùh tem bàu aih, wì ùh hùà bòch haq trong aih.

³³ Wì haq trùh ta Cabênaum. Jò khoe oe ta hnìim, haq bòch wì: “Jò lam ti trong ìq pì tarahen cleq ka dabau?

³⁴ Mahaq wì hatinh majah qmang aih oe ti trong wì tarahen ka dabau: Taqne bèn kô cabô ma yeo kàn?

³⁵ Chuaq Jesus hangui, creo dōng moeq jàt baiq ngai tiaq hóc, Haq doe: “Mangai leq enh broq gàu, haq aih ep oe atìq lùch, ep broq hapōng patìh ka wì qnoeq.”

³⁶ Haq yōc moeq toq kon qyoh, tah taqne mangai tiaq hóc, khoe aih haq caqmìn kon qyoh aih rai doe ka wì:

³⁷ “Cabô jao Yinìq Au chiùq ãđìh moeq ngai kon qyoh qmang kô, aih haq ãđìh au, cabô ãđìh au, aih ùh xài haq ãđìh au, mahaq ãđìh Mangai ma khoe thê au.”

³⁸ Jon doe ka Haq: Mangai hnài, nhèn khoe hmaq hnoq i mangai yǒc yiniq ìh ðòeq drùh kan kiac, nhèn khoe ùh lòh haq, majah qmang aih wì aih ùh tiaq bèn.

³⁹ Chuaq Jesus doe: “Apaq tàt dèh, ùh i mangai leq rai yǒc yiniq au broq kan halac rai tapoch qmèq ka au.

⁴⁰ Majah qmang aih, mangai leq ùh hìaq taḃlèq ka bèn haq aih hanoh ti bèn.

⁴¹ Cabô jao yiniq au kô èh ma am ka pì moeq doe chrǒng diac, majah qmang aih taiq pì aih mangai da Christ, Joq qnàng au doe ka pì haq aih ùh hnhung dèh kan baha.

⁴² Mahaq mangai leq broq ka mòeq ngai taqne òai wì qyoh kô khoe lùì au cḃh ta yiniq lui, yǒc apau hmo ma kàn kàt ranǒng haq aih lam cadram ta diac raxìq aih ùh hnau hòm.

⁴³⁻⁴⁴ Tàng joq tì ìh broq ka ìh loh yiniq, pot ḃac tì aih, yac ka moeq apah tì mahaq jah mùt ta kan rìh, ùh hnau tǒm baiq apah tì mahaq taclìh ta hwình, ta ḃau ùnh ùh pat.

⁴⁵⁻⁴⁶ Tàng jènh ìh broq ka ìh loh yiniq, pot caḃac jènh aih, moeq apah jènh mahaq jah mùt ta kan rìh, ùh hnau tǒm baiq apah jènh mahaq wì khwênh qnìh ta bau ùnh.

⁴⁷ Tàng joq mat ìh broq ka ìh loh yiniq, ḃǒc ḃac mat aih beq, oe moeq apah mat ma haq jah mùt ta diac BocPlình, ùh hnau tǒm baiq pah mat mahaq ta cḃh ta hwình,

⁴⁸ aih la nòe i hrai ma kaq wì haq, hrai aih ùh kachìt, tanòe ùnh ùh jò leq pat.

⁴⁹ Rìm ngai ta aih jah paqn hòq xi ùnh.

⁵⁰ Boh aih ngè lem, mahaq tàng boh aih pi xang, aih èh yǒc cleq hu broq haq xang hlài.

⁵¹ Dìq ka pì ep i boh oe ta manoh, ep hatroq ti dabau”.

10

Ta cađac ǒng mai

¹ Chuaq Jesus loh enh aih, trùh ta cròng Judê, tǒc pah tau ka diac Jodan, mangai bàc tagop dabau trùh hòm ti haq, tiaq dèh ma khoe hmaq yôt, haq hi hnài wì.

² Bài mangai Pharisi lam haten bòch ðòeq hu chaq trong bahlac haq: Mangai gucalô akhòn cađac mai?

³ “Môise khoe thê pì qmang leq?” Haq bòch wì.

⁴ Wì aih padreo bàu: Môise lòh mangai calô achìh moeq ara q jàiq broq bò acan tacadac, khoe aih caqnaih deh cadrì loh lam.

⁵ Chuaq Jesus padreo bàu: “Aih jao pì cadoq manoh Môise ma jah achìh ranenh aih.

⁶ Mahaq enh jò baxèm broq plình crǒng taneh, Boc Plình broq moeq ngai calô, moeq ngai cadrì.

⁷ Aih ìq mangai calô majah talah dèh miq baq ðòeq taqmùt dèh ti mai,

⁸ wa baiq ngai hi wìa moeq xech akia. Pang aih, ǒng mai pì xài baiq hòm, mahaq khoe loh moeq xech akia.

⁹ Qmang aih, kon mangai ùh jah lah bài mangai leq Boc Plình ma khoe acop”.

¹⁰ Jò oe ta hnìm, mangai tiaq hǒc bòch hòm trong aih,

11 Haq padreo bàu: “Cabô cađac mai èh yǒc mangai cadrì qnoeq broq mai, haq khoe wìa mangai tango ka mangai cadrì tau,

12 tàng joq mangai cadrì cađac dèh ǒng, yǒc ǒng qnoeq, aih hanoh loh mangai tango.

Bòe kon qyoh

13 Wì aràng kon qyoh trùh ti Chuaq Jesus dōq ka haq yǒc tì bèq wì qyoh, mahaq mangai tiaq hǒc lech ka wì.

14 Jò Chuaq Jesus hnoq qmang aih, haq nòeh ka mangai tiaq hǒc, haq doe: “Dōq haq kon qyoh trùh ti au, apaq tát wì haq, majah qmang aih diac Boc Plình am bài mangai leq ma tìah ka kon qyoh.

15 Joq qnàng au doe ka pì, mangai leq ùh òh yǒc diac plình qmang kon qyoh qmat, haq aih ùh jò leq jah mùt ta diac plình”.

16 Khoe aih, haq caqmìn kon qyoh rai waiq am xōq ramot ka wì qyoh.

Guradam padrǒng kan

17 Chuaq Jesus qnang hu loh lam, i moeq ngai cadàu tùh hacùn cràng enh ngèa ka haq, rai bǒch: Ìh kô mangai hnài lem lìn, au ep broq cleq òeđeq hu jah kan rìh halìn?

18 Chuaq Jesus doe: “Hagleq ìh majah doe au mangai lem lìn? Ùh i mangai leq lem lìn, enh gùng ka Boc Plình”.

19 Ìh loq bài ranenh kô: “Apaq tango, apaq jêh đac mangai, apaq atùng, apaq yòng tapoch òech ka cabô, apaq qnùt bô, loq ta-iu dèh miq baq”

²⁰ Mangai aih padreo bàu: Mangai hnài, enh jò au oe qyoh nèh raq au khoe wèq òiq bài raneng kô.

²¹ Chuaq Jesus ngan mangai aih rai ha-öch ka haq, Chuaq Jesus doe: “Ìh qnhòq i moeq yiniq hòm, hlài tech òiq òng kùng hang ìh, am ka mangai pa, aih èh ìh hi i kùng hang canaq oe ta diac Plình. Khoe aih hi lam tacô òòeq hu tiaq au”.

²² Jò aih hadrò mangaih guradam aih hnoq qmòe kan haq mangò ka bàu aih, majah qmang aih, kùng hang haq bàc haraya.

²³ Chuaq Jesus ti ngan dudan rai doe ka mangai tiaq hóc: “Mangai padròng ùh hlàu cleq ka jah mùt diac Plình”!

²⁴ Mangai tiaq hóc hamàih ka bàu aih. Mahaq Chuaq Jesus doe hòm: “Wì kon! mangai padròng yo òeh kan òòeq mùt diac plình aih joq xa qnàng!”

²⁵ Lócda mùt trom jrùm yi hlàu ka mangai padròng mùt diac Boc Plình.”

²⁶ Mangai tiaq hóc hamàih ùh hnau hòm, wì hatuàng ti dabau: Tàng qmang aih èh mangai leq ma oe jah dèch?

²⁷ Chuaq Jesus ngan wì haq rai doe: “Yiniq aih kon mangai broq trong ùh jah, mahaq Boc Plình ùh qmang aih, Boc Plình broq jah rìm yiniq”.

²⁸ Phiero anoe ka haq: Hacô nhèn khoe cađac rìm yiniq hu lam tiaq ìh.

²⁹ Chuaq Jesus padreo bàu: “Jòq qnàng au anoe ka pì, ùh i moeq ngai leq cađac òeh hnìm, oh òaq calô, oh òaq cadrì, cađac miq baq hloe xam bài kon xam ruàng pràm, òòeq tiaq au xam trong Bàu lem,

³⁰ manòeq kô raq, qnhòng kô raq haq aih ma ùh jah yõc hlài hloe ka hrinh yàng bõe hnim, oh daq calô, oh daq cadrì, miq kon, taneh ruàng, hloe xam bài kan nanxa xam kan rih halinh qnhòng atiq kô èh.

³¹ Mahaq bàc ngai oe adroe loh ka atiq, mangai atiq loh ka adroe”.

³² Jò Chuaq Jesus xam mangai tiaq hõc qnang lam ti trong tõi ta Jêrusalem, Haq lam adroe, bài mangai tiaq hõc ðiq jaq yùq, bài mangai lam tiaq hadai crè. Haq qnung moeq jàt baiq ngai tiaq hõc lam crài ti haq hòm rai anoe ka wì loq yiniq padon trùh ka wì haq.

³³ Haq doe: “Bèn qnang tõi ta Jêrusalem, Kon Mangai kô èh mùt ta tì bài pajàu kàn xam bài mangai hnài ranenh. Wì aih hi taqmòq ka haq yiniq cachit, wì aih aràng jao haq am ka wì enh gùng.

³⁴ Wì hi halê haq, cachôh ka haq, mahaq piq hi ònh èh haq hi rih hlài.”

Baiq ngai kon calô Sêbede

³⁵ Atiq ka aih, Jaco xam Jon (kon Sêbede thia ajang Haq), wa doe: Mangai hnài, ìh broq am ka ma yiniq ma enh bòch ðeh.

³⁶ Haq doe: “Chôp enh Au broq ka chôp cleq?”

³⁷ Wa aih pa dreo bàu: Jò leq ìh jah kan ranhòm èh, ìh am ka ma moeq ngai haqngui apah qma, moeq ngai apah qngeo ka ìh.

³⁸ Chuaq Jesus padreo bàu: “Chôp ùh qnì ka raðeh qnang bòch cleq, doe chrõng au ôq, chôp ahlàt ôq, ðaptem hu broq ka au, chôp ahlàt broq ùh?”

³⁹ Wa aih têu: Ma hlàt. Chuaq Jesus anoe ka wa: “Doe chröng au ôq kô èh chöp hanoh ôq, baptem hu broq ka au kô èh chöp hadai jah broq,

⁴⁰ mahaq hu hangui apah qma, apah qngeo ka au aih ùh xài au am, ajang aih òòeq da bài mangai leq nòe aih khoe padon dèh adroe”.

⁴¹ Jò wì moeq jàt ngai tau tàng qmang aih, wì haq nòeh ka wa Jaco wa Jon.

⁴² Chuaq Jesus creo ka wì haq oe qmoeq qmang ti dabau, haq doe: “Pì loq mangai ma broq gàu wì enh gùng, thê wì qnoeq iu rađeh, cwan kàn aih haq yo ka rađeh òòeq padit mangai qnoeq,

⁴³ pì ùh xài qmang aih, mahaq tapì mangai leq enh broq kàn, mangai aih ep broq hapöng,

⁴⁴ mangai leq enh broq gàu, haq aih ep broq díc rìm ngai.

⁴⁵ Majah qmang aih, Kon Mangai trùh ùh xài òòeq wì patìh ka haq, mahaq òòeq haq patìh glòq ka wì, rai cađac kan rìh rađeh òòeq hu dèch bàc ngai”.

Batimê mangai ùh xau jah hnoq

⁴⁶ Khoe aih, Chuaq Jesus xam mangai tiaq hóc trùh ta Jêrico. Jò wì haq hloe xam bài mangai bàc qnang loh enh aih, i moeq ngai lua mat yiniq haq Batimê, (kon daTimê) qnang haqngui ti trong hu axìn.

⁴⁷ Jò haq tàng wì doe: aih Chuaq Jesus mangai Naxaret, haq drah creo cadêh: waiq Chuaq Jesus, Kon bùa Đawit, xa-och ka au diq!

⁴⁸ Bàc ngai tapoch hnap ka haq, thê haq chaq oe ma hatinh, mahaq haq ka creo tam yeo dèh hòm: Kon Đawit, xa-och ka au diq!

⁴⁹ Chuaq Jesus yòng jang aih rai doe: “Creo ka haq lam ajang kô”. Wì creo ka mangai ùh xau aih rai doe ka haq: Cajap manoh, yòng beq, Haq creo ka ìh.

⁵⁰ Mangai lua mat aih lêh dèh eo enh gùng, tùh thia ajang Chuaq Jesus.

⁵¹ Chuaq Jesus bòch haq: “Ìh enh au broq ka ìh cleq?” Mangai lua mat aih padreo bàu: Rabi, au enh jah hnoq.

⁵² Chuaq Jesus doe ka haq: “Lam beq! Kan lùì ìh khoe broq ìh brêh.” Tajòe hloe jò aih haq jah hnoq, haq hì lam tiaq ti Chuaq Jesus.

11

Mùt ta Jérusalem

¹ Jò khoe ten trùh Jérusalem, tanòe plài Bêphajê xam plài Bêthani tajang ka wang Oliu, Chuaq Jesus thê baiq ngai tiaq hõc,

² Haq doe ka wa: “Mùt ta plài enh ngèa ka chôp, jò mùt ta aih hnoq moeq toq lùa qyoh wì kàt ta aih, qnhòq i cabô lah tồc crõng haq, chôp canaih haq khoe aih tiaq ahlài tacô ka au.

³ Tàng i mangai leq loq bòch: Gleq ma jah broq qmang qmat? Chôp doe ka wì: Chuaq i yiniq waq, aih èh wì hì dôq chôp tiaq ahlài”.

⁴ Wa aih hì lam, hnoq kon lùa qyoh qnang kàt enh gùng tajang ka trong qmang, wa hì lêh canaih.

⁵ Wì ma oe ta aih i qnah ngai oe ta aih bòch: Chôp caqnaih kon lùa qyoh qmat hu broq cleq?

⁶ Wa aih padreo bàu qmang ka Chuaq Jesus khoe tanap, wì hì canaih wa lam.

⁷ Wa tiaq ahlài kon lùa aih ka Chuaq Jesus, yỏc dẻh eo hẻch enh cỏng lùa aih, khoe aih Chuaq Jesus hi tỏc enh cỏng.

⁸ Bẻc ngẻi lẻh dẻh eo hẻch ti trong lam, i qnah ngẻi loh ta ruẻng goh hamenh long xẻp roc trong.

⁹ Mangai lam adroe, mangai lam atẻq dẻq moeq bẻu cadẻh: Hỏsana! Khỏh manẻ ka Mangai trủh enh dalam ka yiniq Chuaq!

¹⁰ Xỏq ramot am ka diac padon trủh kỏ ẻh, aih raq diac bẻu Đẻwit, kan cadraq bẻn! Hỏsana oe ta Plẻnh haqnhẻq.

¹¹ Chuaq Jesus mủt ta Jẻrusalem, haq lam ta hnẻm kủh wẻiq. Haq ti ngẻn rẻm yiniq đứdan ta aih, jỏ mat mahẻ khoe haqneq, haq xẻm moeq jẻt bẻiq ngẻi tiaq hỏc loh enh aih lam ta plẻi Bẻthani.

Long pỏc croph

¹² Sỏq atẻq, jỏ khoe loh enh plẻi Bẻthani, aih Haq pangot.

¹³ Hỏq enh hangai i moeq xẻm long pỏc i hẻa, Haq lam ngẻn long aih i ka plẻi ẻh, jỏ trủh haten kẻ xẻm long hỏq toq hẻa, majah qmẻng aih ẻh xẻi jỏ plẻi.

¹⁴ Haq tapoch kẻ long aih: “Pẻng kỏ ẻh pi i cabỏ oe kẻq plẻi enh gẻ hỏm.” Dẻq đỏng mangai tiaq hỏc dẻq tẻng bẻu aih.

¹⁵ Jỏ trủh ta Jẻrusalem, Haq mủt ta hnẻm kủh wẻiq, đứh qnoh bẻi mangai padro ta aih, blỏq cabỏng mangai ma halẻh bẻc hỏe xẻm gẻq wẻ ma atech trủ.

¹⁶ Haq ẻh am cabỏ wẻ cleq jah lam pagat trong aih.

¹⁷ Khoe aih haq hnẻi wẻ: “Aỏq i bẻu achẻh, Hnẻm au jah creo hnẻm wẻiq khẻn kẻ rẻm tanẻh

diac? Mahaq pì khoe broq haq loh pù bài mangai atùng.”

¹⁸ Bài pajàu xam bài mangai hnài ranenh tàng bàu aih, hi chaq trong hu jêh cađac haq, wì ùh hùka ka haq, majah qmang aih òiđ đồng phù cròng mangai leq mangai meh hamàih ðeh hra ka bàu haq hnài.

¹⁹ Jò tróc khoe ten clam, Chuaq Jesus xam mangai tiaq hóc loh enh aih.

²⁰ Sroq atiq, jò lam trong aih, wì haq hnoq long póc khoe croh trùh ta riah.

²¹ Phiero hi hmàng hlài haq doe ka Chuaq Jesus, Rabi, ìh ngan tau, long póc ìh tapoch ka haq hì nêh khoe croh.

²² Chuaq Jesus doe: “Thê pì i manoh lùì Boc Plình.

²³ Au doe qnàng ka pì, tàng cabô doe ka bui wang kô: lam caqnìh rađeh ta diac raxìq beq, ta manoh haq aih ùh i kan rangòt, mahaq lùì troeq bàu rađeh ma khoe anoe, haq jah qmang ðeh ka bàu.

²⁴ Aih ìq au majah doe ka pì: Rìm yiniq pì bòch jò pì waiq khàn, drah lùì pì khoe jah, aih èh pì hijah yiniq aih.

²⁵ Jò pì yòng waiq khàn, tàng joq pì oe i yiniq cleq ùh hatroq ka cabô, drah cađac yiniq aih ka wì beq, aih èh Baq pì oe ta plình hanoh cađac da pì yiniq lui.

²⁶ (*hset dùnh) Tàng pì qnhòq cađac da wì yiniq lui, Baq pì oe ta plình hadai qnhòq cađac da pì.”

²⁷ Chuaq Jesus xam mangai tiaq hóc wìh ta Jêrusalem hòmh, jò Chuaq Jesus qnang cadiang lam ta hamlang hnìmh kùh waiq, bài pajàu kàn, bài

mangai hnài ranenh hloe xam bài gucraq thia ajang haq.

²⁸ Wì aih bòch: Ìh yǒc cwiàng enh leq ma broq qmang kô? Cabô ma khoe thê ìh broq?

²⁹ Chuaq Jesus padreo bàu: “Au hanoh bòch pì moeq bàu. Pì padreo bàu au, aih èh au hadai doe ka pì loq au yǒc cwiàng enh leq hu broq bài trong kô.

³⁰ Baptem da Jon aih loh enh Plình, loq loh enh kon mangai? Anoe ka au beq!”

³¹ Wì aih hatuàng ti dabau, wì doe: Tàng joq bèn doe loh enh plình aih èh haq bòch bèn: Meh pì ma ùh lùì Jon?

³² Mahaq tàng bèn doe: loh enh kon mangai? Wì ùh hùà ka mangai ta aih, majah qmang aih, mangai ta aih òìq lùì Jon aih mangai pajàu joq qnàng.

³³ Aih ìq wì haq majah hi doe ka Chuaq Jesus: Nhèn ùh qnì. Chuaq Jesus doe ka wì haq: “Au hadai ùh anoe ka pì loq au yǒc cwiàng enh leq hu broq yiniq kô”.

12

Aliah trùh mangai abroq ta wuàn plì nho

¹ Khoe aih, Chuaq Jesus hi tapoch aliah ka wì haq: “I mòeq ngai pìt mòeq wuàn plì nho, haq broq canàng dudan, taqne wuàn haq broq mòeq toq nòe òòeq padit yǒc diac plì nho, haq broq mòeq toq hapom ka haqnhèq, khoe aih, haq am ka wì patìh axong, èh cla haq lam ta gùng qnoeq.

² Trùh jò, cla haq thê dèh mòeq ngai hapǒng lam trùh ti bài mangai pít nho, ðòeq hu yǒc plì wì ma axon da haq.

³ Mahaq, wì rùp jêh hapǒng aih, khoe qnat haq bròc tì dech.

⁴ Haq thê dèh hapǒng qnoeq hòh, mahaq wì blai gàu haq aih rai hanip broq ka haq ðiq jaq camaih.

⁵ Haq thê hapǒng qnoeq hòh, wì jêh ca ðac mangai aih, Haq thê bàc ngai qnoeq hòh trùh, qnah ngai wì blai, qnah ngai jêh caðac.

⁶ Yàng atiq pulùch, haq i dèh mòeq ngai kon calò raq haq ma loq waq dèh ðiq jaq, haq hi thê kon aih lam, cla haq hèm dèh: Yi lai q wì ma ùh iu kon au.

⁷ Mahaq bài mangai pít nho ta hatinh ka dabau: Kô raq kon cla wì cra q, mangai ma hu jah waq ðǒng kùng hang, beq bèn jêh ðac haq, aih èh kùng hang haq hi jah ðǒng bèn.

⁸ Wì hi rùp jêh caðac kon calò aih, khoe èh khwên qnoh enh gùng ka wuàn plì nho.

⁹ Khoe aih cla wì cra q wuàn nho broq qmang leq? Haq trùh hu jêh caðac ðǒng bài mangai pít nho aih, khoe èh yǒc wuàn aih am ka wì qnoeq.

¹⁰ Pì akhoe lah ðǒc bàu kô ta hset hadròeh: “Hmo, bài mangai broq hnem ma raih qnoh caðac, Khoe wìa hmo mùm hnim;

¹¹ Boc Plinh khoe broq qmang kô, Aih ajoq kan halac enh ngèa ka mat bèn?”

¹² Bài mangai pajàu kàn, bài mangaih hnài ranenh, xam bài gucraq, chaq trong hu rùp Chuaq Jesus, majah qmang aih wì loq bàu haq ma aliah

aih anoe trùh wì. Mahaq wì pi lènh hù a ka bài mangai bàc ta aih, èh wì haq hì lam đac taqnoeq.

Am thèq ka Sêsa

¹³ Atìq ka aih, wì thê bài bua da mangai Pharisi xam bài bua da Hêrot trùh ti Chuaq Jesus ðòeq rùp haq ajang nòe bàu tapoch.

¹⁴ Wì aih trùh ti haq rai doe: Mangai hnài, nhèn loq Ìh kô mangai taq ataq, ùh i yùq ka cabô, majah qmang aih ngan mangai, ìh ùh i ngan toq enh gùng, mahaq hnài trong Boc Plình tiaq bàu joq qnàng. Am thèq ka Sêsa aih troq loq ùh? Nhèn i ep am thèq ka sêsa?

¹⁵ Mahaq Chuaq Jesus loq kan patiah wì aih, haq bòch: “Gleq pì ma ti àu chaq trong bahlac au? Dra h qnàng ka au ngan moeq hliac ãac beq”.

¹⁶ Wì aràng ka haq moeq hliac ãac, Haq bòch wì: “Qmù kô qmù ka cabô, yiniq dacabô?” Wì padreo bàu: Da Sêsa.

¹⁷ Chuaq Jesus doe ka wì: “Padreo hlài da Sêsa yiniq cleq da sêsa, padreo hlài da Boc Plình yiniq cleq da Boc Plình.” Dìq ka wì hamàih deh hra ka bàu Haq.

Jò rìh hlài

¹⁸ Mangai Sađusê, aih bài mangai ma doe ùh i ka kan rìh hlài, wì haq thia haten bòch Chuaq Jesus:

¹⁹ Wì doe: Mangai hnài! Môise i achìh ka nhèn ranenh rameh: Tàng moeq ngai tau, i oh daq haq cachit, ðòeq hlài dèh mai mahaq ùh i ka kon, mangai aih ep yôc gucadrì hadrô aih, ðòeq taqmot hlài caxi noe daq haq.

²⁰ Manòeq kô wì oh daq aih i ta pèh ngai. Mangai ramua yõc mai, khoe aih haq cachit, ùh i ha kon.

²¹ Mangai ma hatia, yõc mangai cadrì hadrô aih, khoe aih haq cachit, hadai ùh i ka kon, èh mangai ma atiq hanoh qmang aih.

²² Dìq dõng ka wì ta pèh ngai aih, ùh i mangai leq i kon. Pulùch, mangai cadrì aih hadai cachit.

²³ Trùh jò rìh hlài, taqne wì ta pèh ngai oh daq aih, mangai cadrì aih broq mai cabô? Majah qmang aih dìq dõng ka wì haq, hanoh khoe yõc gucadrì aih broq mai.

²⁴ Chuaq Jesus padreo bàu: “Ma ùh joq pì khoe hèm hwang? Majah qmang aih pì ùh qnì ka bàu Hset dadròeh xam kan itai Boc Plình.

²⁵ Jò mangai cachit rìh hlài, wì ùh i yõc mai, hadai ùh yõc õng, mahaq bài mangai rìh hlài aih rìh tiah ka bình plình oe ta diac plình.

²⁶ Anoe trùh bài mangai cachit rìh hlài aih, ta hset Môise i achìh bàu Boc Plình capoch ka haq tanòe xem yila rameh: Au kô Boc plình da Apraham, Boc Plình da Ysac, Boc Plình da Jacôp, pì ma qnhòq đóc?

²⁷ Haq ùh xài Boc Plình da bài mangai cachit, mahaq Boc Plình da bài mangai rìh! Pì qmat joq khoe hèm lìq”.

Yùp hlài ranenh

²⁸ I mòeq ngai hnài ranenh tàng bàu wì tarahen, haq hnoq Chuaq Jesus têu bàu dìq jaq rabiaq, haq aih thia ka haten hu bòch: Dìq dõng ka bài ranenh, ranenh maleq ma yeo kàn dõng?

29 Chuaq Jesus padreo bàu: “Kô ranenh ma yeo kàn: Dìq ka mangai Isorali tamàng kô! Chuaq aih Boc Plinh da bèn, i moeq Chuaq raq.

30 Loq waq ka haq dìq ka cliac, dìq ka mahua yiang, dìq ka manoh, dìq ka padren hiwa.

31 Kô ranenh ma atìq, thê loq waq ka magai haten hatia qmang ka cla pì. Ùh i ka ranenh leq yeo kàn ùh hnau ka baiq ranenh kô”.

32 Mangai hnài ranenh doe: Ìh anoe troq joq qnàng! I mòeq Boc Plinh raq, enh gùng ka haq pì i ma qnoeq hòmh;

33 joq ep loq waq ka Haq dìq ka cliac, dìq ka manoh, dìq ka padren hiwa, rai loq waq ka mangai haten hatia tiah dèh cla, aih lem ùh hnau ka tadreo bùh, ùh hnau ka hang tadreo ma qnoeq.

34 Chuaq Jesus hnoq haq aih padreo bàu qmang ka mangai rabiaq, Chuaq Jesus doe: “Ìh pì hangai ka diac Boc Plinh”. Pang aih pì i cabô oe hùà bôch Haq cleq hòmh.

Christ aih kon cabô

35 Jò Chuaq Jesus yòng hnài wì tanòe hnìmh kùh waiq, haq bôch: “Hagleq bài mangai hnài ranenh doe Christ aih kon Đawit?

36 Cla Đawit jò Yiang Hadròeh mahno, haq doe: Chuaq khoe doe ka Craq au: Hanguì enh pah qma au, trùh jò au roh bài mangai tablêq ka ìh enh qneq ka jènh ìh.”

37 Cla Đawit khoe creò ka Haq: Craq au! aih wìa ka haq oe broq kon Đawit qmang leq? Bài mangai ma bàc ta aih dìq jaq enh tamàng bàu haq rai lem bùi.

³⁸ Jò hnài wì, Chuaq Jesus doe: “Ngan oq, pì ep wèq raðeh ma khoe ka bài mangai hnài ranenh, bài mangai enh toq caxùnh eo yôh lam bayràt, enh waq toq mangai qnoeq kùh gàu ka raðeh taqne nòe padro,

³⁹ tanòe hnìm tagop xam nòe acaq yiniang enh hangui toq nòe ma rahù,

⁴⁰ wì haq lonh apom hnìm mangai cadrì hadrô, mahaq broq dèh waiq khàn waq ka yôh, trùh jò hadrah wì aih èh ep pòq kan baxa yeo trap hòmh.

Mangai gucad rì hadrô

⁴¹ Chuaq Jesus hangui tangèa ka nòe òeòeq tah bac, rai ngan wì ta aih tah dèh bac qmang leq. Bàc ngai padròng tah qmòe cabàc.

⁴² Mahaq i moeq ngai gucadrì hadrô pa, lam tah baiq hliac bac,

⁴³ Chuaq Jesus creo dèh ka bài mangai tiaq hóc trùh, haq doe: “Joq qnàng au anoe ka pì, mangai cadrì hadrô kô haq pa, mahaq khoe tah yeo bàc ùh hnau òiq dǝng ka wì qnoeq.

⁴⁴ Majah qmang aih, bài mangai qnoeq yǝc toq rah òeòeq tah tacô, yàng da mangai hadrô kô, haq òiq jaq pa, mahaq haq khoe tah òiq dǝng dèh hliac bac òeòeq huban raðeh.”

13

Kan raliang tanòe hnìm kùh waiq

Kan pateo da hì atìq lùch

¹ Jò Chuaq Jesus bu loh enh hnìm kùh waiq, i mòeq ngai tiaq hóc doe ka Haq: Ìh ngan tau, bòe hmo ta hnìm meh lem dǝng leq!

² Chuaq Jeus padreo bàu: “Ìh hnoq bài hnim kàn kô qmòh? Kô èh pì i moeq toq hmo leq tacô oe jah raxon enh qnhèq ka hmo qnoeq hòh, dìq dõng taclìh taqneq.”

³ Jò Chuaq Jesus hangui ta wang Oliu, tajang ka ngèa hnim kùh waiq, jò ùh i ka mangai qnoeq, Phiero, Jaco, xam Jon thia bòch haq:

⁴ Ìh anoe ka nhèn loq ðeh dìq, jò leq men loh bài yiniq aih? Èh i cleq patô am ka nhèn hu canau khoe trùh jò pagêh?

⁵ Chuaq Jesus doe ka wì: “Ngan oq! Paq dõq cabô trùh qnùt pì.

⁶ I bàc ngai yõc yiniq au ðoeq trùh ta pì, wì doe: Au kô raq Christ! Èh wì qnùt bàc ngai.

⁷ Jò pì tàng kan tajêh poh, pì hĩa trùh trong tablah, ta manoh pì ùh dùh lèt. Bài yiniq aih ep trùh, mahaq hì pulùch qnhòq trùh.

⁸ Gùng tamoe kô yòng tablêq ka gùng tamoe tau, Diac kô yòng tablêq ka Diac tau. Bàc nòe taneh loh ka ralàng, bàc nòe loh ka pangot hrah. Aih bu diang kan baxèm jìq hauang.

⁹ Pì ep wèq raðeh, wì loq rùp qnoh pì tanòe hadrah rai blai pì tanòe hnim tagop. Jao au kô èh pì majah ep yòng enh ngèa bài cwan kàn, bài bùa, ðoeq hu panhìn ka wì.

¹⁰ Mahaq adroe dìq dõng, Bàu lem ep waq ka jah anoe jàp ka mangai òeq.

¹¹ Jò wì rùp qnong pì, apaq yùq ðeh ep anoe cleq, mahaq hì trùh ðeh jò, pì toq tapoch tiaq bàu ma am ka pì, aih ùh xài cla pì tapoch ðeh bàu, mahaq Yiang Hadròeh tapoch.

¹² Jò aih èh, oh daq blòq ðeh oh daq ka cachìt,

baq blòq dèh kon, bài kon tablêq dèh ka miq baq, waq ka wa cachit.

¹³ Jao au kô èh dîq ka phù cròng wiang git ka pì, mahaq mangai leq ma cajap manoh trùh lùch haq aih èh ma jah dèch.

¹⁴ Jò pì hnoq kan raliang, kan pada broq tanòe ma ùh khòh broq (cabô đóc ep loq), jò aih mangai leq oe ta gùng Judê drah cadâu tọc ta wang,

¹⁵ mangai leq oe ta kùa po hnim ùh dùh loh dèh, ùh dùh mùt ta hnim hu qnhon qnoh dahwèq,

¹⁶ mangai leq oe ta gùng apaq wìh hlài hu yóc eo.

¹⁷ Jò aih, haño ka bài mangai gucadrì qnang oe jiang hloe xam bài magai kon oe ùq!

¹⁸ Drah waiq khàn dōq bài yiniq aih ùh hìaq trùh glàm jò ralim.

¹⁹ Majah qmang aih bài hì aih i kan ranàc kàn, enh jò Boc Plình baxèm broq plình cròng tanèh trùh manòeq qnhòq lah i qmang aih, trùh hloe ta atìq kô èh dua ùh i qmang aih.

²⁰ Tàng joq Boc Plình ùh pot qnah bài hì aih dōq haq yi đêq, pì i cleq ma oe rìh. Mahaq taiq bài mangai haq ma khoe ràih haq majah khoe broq ka bōe hì aih yi đêq.

²¹ Jò aih tàng joq i cabô doe ka pì: Hacô Christ oe ta kô, ùh meh wì doe: Haq oe ta tau, pì apaq lùì.

²² Bacc Christ patìah, pajàu patìah trùh, broq bacc trong halac, tàng majah wì haq enh padô qmòe mangai ma khoe jah ràih raq.

²³ Ngan oq wèq rađeh, Au khoe anoe ka pì loq adroe.

24 Oe ta bài hì aih, atìq ka kan nanxa, mat mahì loh ka clam, mat khê pì sreo qngah hòmh,

25 bài halang ta trốc taclìh ka rađeh, chac plình hanoh loh ka dalàc.

26 Jò aih wì ma hì hnoq Kon Mangai trùh enh yùc plình xam kan cwiàng itai kàn, kan ranhòm kàn.

27 Haq hì thê dèh òhnh plình trùh gop bài mangai khoe jah ràih enh pôn bè ta crống taneh, enh caqnàm plình kô trùh caqnàm plình tau.

28 Tamàng rai hóc bàu aliah trùh long póc: Jò hamenh haq bu plòh hamống loh ramot, aih pì loq khoe ten trùh jò padrang.

29 Hanoh qmang aih diq, jò pì hnoq bài yiniq aih trùh, pì loq, Kon Mangai trùh khoe haten, haq oe ajang trong qmang.

30 Joq qnàng au doe ka pì: caxi noe kô ùh hnhung adroe ka bài yiniq aih trùh.

31 Plình crống taneh kô èh hnhung, mahaq bàu au ùh jò leq hnhung.

32 Mahaq hì mang jò aih, ùh i cabô loq, yac ka òhnh plình oe ta plình, yac ka Kon, moeq ngai cla Baq raq ma loq dèh.

33 Thê pì wèq ra đeh, pì hmàng hamang oq, majah qmang aih pì ùh qnì jò leq yiniq aih trùh.

34 Yiniq aih tiàh ka moeq ngai lam hangai, Haq cađac dèh hnim, thê deh bài hapống broq moeq ngai moeq yiniq, haq hanoh i thê mangai rìu gòm qmang.

35 Qmang aih, pì ep rìu gòm, majah qmang aih pì ùh loq cla wì craq hnim hlài jò leq, jò mahì wìh, jò qne mang, jò ia rống, loq jò bu qngah,

³⁶ beq rayeq cla wì craq hlài hlaiq, glàm jò pì qnang oe raq kùì.

³⁷ Bàu au anoe ka pì kô, au hadai anoe ka bàc ngai qnoeq: Hmàng hamang oq!”.

14

Xùt dầu ka Chuaq Jesus ta plài Bêthani

¹ Baiq hì adroe ka hì ramènh pan cwa xam ramènh acaq bènù ùh wàt blo, bài pajàu kàn xam bài mangai hnài ranenh hatinh ka dabau chaq trong rùp Chuaq Jesus ka hlèp hu jêh cađac.

² Wì doe: ùh khòh broq yiniq kô ta hì ramènh, yùq ka phù cròng loq loh ka tagruàng.

³ Jò Chuaq Jesus oe ta plài Bêthani, ta hnim Simôn, mangai bacùn, haq qnang hangai acaq, i moeq ngai gucadri trùh, tì haq wê moeq toq cabi broq xam hmo ngòc, enh dalam tah bình dầu xua thùm canaq bac, haq tùq padah cabi dầu aih, èh ùc dầu xua thùm ta gàu Chuaq Jesus.

⁴ I biaq ngai ta aih nòeh ka haq, wì anoe ka dabau: Hagleq maloq racaih ka dầu canaq qmang meh?

⁵ Tech dầu qmat jah loe piq hrinh đoniê, yỗc bac aih ajoq jah am ka mangai pa? Khoe ka aih wì tapoch ka mangai gucadri aih oe loh cleq.

⁶ Mahaq Chuaq Jesus doe ka wì: “Apaq troq haq, hagleq pì ma tapoch ka haq? Haq qmat khoe broq moeq yiniq lem ka au.

⁷ Majah qmang aih yac ka jò leq dua i mangai pa oe dudan ka pì, pì enh broq trong lem ka wì aih jò leq ma ùh jah, mahaq au ùh i oe yôt ti pì.

⁸ Mangai gucadri kô khoe broq trong haq jah broq. Haq xùt dầu ta chac au adroe òòeq hu padon catùh hanang au.

⁹ Joq qnàng au doe ka pì: Dìq ka cröng taneh kô, waq toq nòe leq Bàu Lem jah hnài, trong haq ma khoe broq kô èh hadai jah ràu qnoh, òòeq hu hmàng trùh haq.

Mangai blòq Chuaq Jesus

¹⁰ Taqne wì moeq jàt baiq ngai, i moe ngai yiniq haq Juda Icariôt, lam trùh ta bài mangai pajàu kàn òòeq hu tech Chuaq Jesus ka wì.

¹¹ Tàng bàu aih wì aih òòeq jaq manè, wì tèo bàu am ka haq ðac. Pang aih Juda rap gòm toq jò leq bu taqnài, haq hi rùp Chuaq Jesus am ka wì.

¹² Hì baxèm da ramènh kaq bèn ùh wàt blo, aih hì jèn kon trùu broq tadreo ka ramènh Pan cwa, bài mangai tiaq hóc bóch haq: Ìh enh nhèn lam padon ka ìh kaq ramènh Pan cwa taleq?

¹³ Haq thê baiq ngai tiaq hóc lam, haq tanap: “Mùt ta plài qmat, chòp hnoq moeq ngai qnang kôi abôq diac, chòp tiaq haq aih.

¹⁴ Haq aih mùt hnim leq, chòp doe ka cla wì craq hnim aih: Mangai hnài bóch: “Aleq nòe aniang au hu acaq ramènh Pan cwa dèh ti mangai tiaq hóc?

¹⁵ Haq aih hi patô ka chòp nòe aniang anòh oe enh qnhèq, rìm yiniq ta aih khoe palauq qmòe. Padon ka bèn ta aih èh.”

¹⁶ Wa mangai tiaq hóc hi lam, wa mùt ta plài, glàm tiàh ka bàu troeq bàu Haq thê, wa hi padon ramèng Pan cwa.

17 Xèq aih, Jesus sam bài mangai tiaq hóc trùh ta aih.

18 Jò dìq dǒng wì haq qnang hangui acaq, Haq doe “Au anoe joq qnàng ka pì, i moeq ngai oe taqne pì kô, haq acaq moeq qmang ka au mahaq haq blòq đac au.”

19 Bài mangai tiaq hóc mangò pi cajaq, khoe ka maleq trùh maleq, wì bóch haq: A hìaq au?

20 Chuaq Jesus doe: “Moeq ngai oe taqne pì moeq jàt baiq ngai, mangai ma chùq bēnh pajum ti au ta doe kô.

21 Majah qmang aih Kon mangai kô èh loh lam, tiah ka bàu khoe achìh ka haq, mahaq haò ka mangai ma blòq haq, apaq ha-uang qnoh haq aih xan ka ùh hnau hòh”.

22 Jò qnang acaq, Chuaq Jesus yǒc bēnh, manè apôi, khoe aih haq goh, qnèp dèh ka bài mangai tiaq hóc, rai doe: “Drah yǒc beq, kô chac au.”

23 Haq rùp doe chrǒng, manè apôi, khoe èh am dèh ka bài mangai tiaq hóc, maleq dìq ôq enh chrǒng aih.

24 Haq doe ka wì: “Kô mahim au, mahim da kan tajao dahrôq qnoh ka bàc ngai.

25 Au anoe joq qnàng ka pì, au pì ôq plì diac nho kô hòh, trùh hì au ôq plì nho niu oe ta diac Boc Plinh.”

26 Jò khoe calêu hset hadròeh, Chuaq Jesus xam bài mangai tiaq hóc lam tǒc ta wang Ôliu.

27 Chuaq Jesus doe ka mangai tiaq hóc: “Dìq ka pì tacro dǒng, majah qmang aih i bàu khoe achìh: Au hì jēh cla mangai ban trùu, trùu haq hì paclac dìq dǒng.

28 Mahaq jò au rìh hlài èh, au lam trùh ta Galili adroe ka pì.”

29 Phiero haq doe qmòe: Yac ka dìq dõng rìm ngai tacro, au dua ma ùh.

30 Chuaq Jesus padreo bàu: “Jòq qnàng au anoe ka ìh, hì kô, qmang kô raq, adroe ka ia rõng baiq yàng, ìh khoe piq yàng hangah ðeh ùh qnì ka au.”

31 Mahaq dua Phiero doe: Yac ka au ep cachit ti ìh, dua au ùh hangah ðeh ùh qnì ka ìh. Dìq dõng ka wì qnoeq hadai anoe moeq bàu qmang aih.

Oe ta Gêtsemane

32 Khoe aih, wì lam trùh moeq nòe, ta aih wì creò Gêtsemane, Chuaq Jesus doe ka bài mangai tiaq hõc: “Pì hangui ajang kô, gòm au waiq khàn.”

33 Haq qnung Phiero, Jaco, xam Jon tiaq haq, aih èh Haq hi loh ka cadròt rai mangò.

34 Haq doe ka wì piq ngai: “Mahua yiang au mangò haraya trùh cachit, pì oe tacô, hmàng rìu gòm oq.”

35 Khoe èh, Haq lam yeo hangai toq biaq, bla op raðeh ta taneh rai waiq khàn rameh tàng jah, dõq jò kô cwa ðac dõng khoe ka raðeh.

36 Haq creò: “Aba, waiq Baq, rìm yiniq Ìh broq jah dìq dõng, au waiq Ìh dèch ðac doe chrõng kô ma khoe ka au, mahaq apaq tiaq manoh au enh, tiaq manoh Baq ma enh.”

37 Khoe aih, Haq wìh hlài, hnoq piq ngai khoe kùi, haq doe ka Phiero: “Simôn, ìh kùi qmòh! Moeq jò ìh rìu ma ùh jah?”

38 Rìu rai waiq khàn beq, dõq pì ùh hìaq taclìh ta kan padô aluàn, manoh aih enh raya mahaq chac aih ùh nèn”.

³⁹ Haq lam hòim, rai waiq khàn qmang ka yàng adroe.

⁴⁰ Haq tawìh hlài, hnoq mangai tiaq hóc oe raq kùì, majah qmang aih mat wì haq pì jah tablèch qmòe, wì loh ka pì qnì tèu haq mang leq.

⁴¹ Haq tawìh hlài yàng piq, doe ka bài mangai tiaq hóc: “Manòeq kô pì oe raq kùì rai padài qmòh! Hêq, kô khoe trùh jò, Kon Mangai oe toq ma hì mùt ta tì kóng bài mangai broq dù.

⁴² Yòng beq! Hatau, mangai ma blòq au trùh khoe ten”.

⁴³ Haq oe raq anoe, tajòe qmòe, Juda mangai ma hadai oe ti wì moeq jàt baiq ngai tiaq cla khoe trùh, lam moeq qmang ti haq i bàc ngai wê chang xam bài long dùì, wì aih trùh enh nòe bài pajàu kàn, bài mangai hnài ranenh, enh wì gucraq.

⁴⁴ Mangai ma blòq Chuaq Jesus, khoe tanap ka wì qmang kô: Au hìp mangai leq, mangai aih raq, pì rùp qnung ma rabiaq oq.

⁴⁵ Qmang aih, jò bu trùh Juda thia ka haten ka Chuaq Jesus, haq doe: Rabi! khoe aih haq hìp Chuaq Jesus.

⁴⁶ Wì aih hì rùp Chuaq Jesus.

⁴⁷ I mòeq ngai oe ten aih, dot qnoh pla chang yôh, jêh hapông pajàu kàn, koh taclìh hla don mangai aih.

⁴⁸ Chuaq Jesus tapoch ka wì: “Pì wê chang wê long dùì lam rùp au tiàh ka mangai atùng.

⁴⁹ Rìm hì au oe taqne pì, hnài ta nòe hnìm kùh waiq, gleq pì ùh rùp au? Mahaq yiniq kô loh qmang kô òe q xit ka bàu Hset hadròeh”.

⁵⁰ Jò aih rìm ngai khoe cadàu amot, cadac dồng haq.

⁵¹ I mòeq ngai radam lam tiaq Chuaq Jesus, haq taqmàn rađeh xi moeq blah mù briang, jò wì rùp haq.

⁵² Haq cađac hloe dèh mù briang, cadàu qmòe rahòng.

Jesus yòng enh ngèa ka Caiphe

⁵³ Wì aràng Chuaq Jesus trùh nòe pajàu haqnheq, bài mangai pajàu kàn i òiq ta aih, bài gucraq, bài mangai hnài ranenh hadai tagop ti dabau ta aih.

⁵⁴ Phiero tiaq Chuaq Jesus, haq ti tayoe enh hangai, trùh tanòe hamlang hnim pajàu haqnheq. Haq hangui ti bài mangai lình rai qnhia ùnh pajùm ti wì ta aih.

⁵⁵ Bài pajàu kàn, xam òiq ka craq hadrah wiang chaq trong hu tablêq ka Chuaq Jesus, òeq hu jah jèh đac haq, mahaq wì haq chaq ùh loh.

⁵⁶ Bacc ngai wiang yòng tapoch qmùt ka haq, mahaq bàu wì aih tapoch ùh tacap ka dabau.

⁵⁷ Atiq ka aih i bìaq ngai yòng tapoch dech ka haq:

⁵⁸ wì doe: Nhèn i tàng haq doe: Kô èh au raliang cađac hnim kùh waiq tì kống kon mangai ma khoe broq kô, khoe aih piq hì au broq ònh hnim kùh waiq qnoe, ùh xài broq xam tì kống kon mangai.

⁵⁹ Mahaq bàu kô, dua wì haq tapoch ùh hatroq ka dabau.

⁶⁰ Khoe aih, pajàu haqnheq yòng enh ngìa wì aih, haq bòch Chuaq Jesus: Ìh ùh têu hlài moeq nà bàu cleq trong wì ma tapoch ka ìh qmòh?

⁶¹ Mahaq Chuaq Jesus oe hatinh, ùh têu mòeq nà bàu. Mangai pajàu haqnheq bòch hòm: Ìh

qmat Christ, kon Boc Plình ma khòh manè apôi joq ùh?

⁶² Chuaq Jesus padreo bàu: “Joq Au raq! atiq èh pì hi hnoq Kon Mangai hangui apah qma ka Boc Plình dìq jaq haqn hèq i cwàng itai, hangui taqne yùc plình òòeq loh ta crống taneh”.

⁶³ Jò aih, mangai pajàu haqn hèq hic dèh eo rai doe: Bèn oe ep chaq dèh yiniq qnoeq hòm?

⁶⁴ Pì akhoe tàng bàu haq ùh hòq qmòe ka Boc Plình? Pì hèm qmang leq? Rìm ngai doe: Haq qmat troq ka cachit.

⁶⁵ I ngai cachôh ka Chuaq Jesus, srùp hadrò haq, rai tùc rai doe ka haq: Tapoch pajàu beq. Bài lình yóc long tong haq.

⁶⁶ Phiero qnang hangui ta hamlang, i moeq ngai gucadrì hapổng pajàu kàn trùh jang aih,

⁶⁷ hnoq Phiero oe hangui qnhia ùnh, haq chrìh ka haten khoe èh haq doe: Ìh hadai oe moeq qmang ti Jesus, mangai Naxaret.

⁶⁸ Mahaq Phiero hangah: Au ùh qnì, hadai ùh loq tàng ìh anoe cleq. Khoe aih haq yòng loh enh gùng ka hamlang, ia hi rống.

⁶⁹ Mangai hapổng cadrì aih hnoq haq, doe hòm ka wì ta aih: Mangai kô hadai bua wì tau raq.

⁷⁰ Mahaq Phiero hangah hòm. Moeq ahyàc hòm, wì ma oe ta aih doe ka Phiero: Hì loq ka ìh moeq bua ti wì tau, majah qmang aih ìh hadai mangai Galili.

⁷¹ Phiero hapah rai doe: Joq au ùh lòm canau ka mangai ìh ma anoe aih!

⁷² Adrình hloe jò aih, ia hi rống yàng baiq, Phiero hmàng hlài ka bàu Chuaq Jesus khoe anoe

adroe ka rađeh: Adroe ka ia rōng baiq yàng, Ìh piq yàng hangah đeh ùh qnì ka au. Hèm ka bàu aih, haq toq moe.

15

Enh ngèa ka Philat

¹ Bu qngah, bài pajàu kàn hatình ti bài gucraq, bài mangai hnài ranenh xam điq ka mangai oe ta hnim hadrah, jò khoe kàt wì hi qnung Chuaq trùh ka Philat.

² Philat bòch haq: Ìh kô raq bùa da mangai ùh xài? Chuaq Jeus tều bàu: Wop qmang ka bàu aih.”

³ Bài mangai pajàu kàn ta qmòq ka haq bàc trong.

⁴ Philat bòch hòm: Ìh ùh tều moeq nà bàu cleq qmòh? Ngan! Wì ta qmòq ka ìh bàc trong!

⁵ Mahaq Chuaq Jesus dua pi tều tam moeq bàu cleq hòm, Philat loh ka hamàih.

⁶ Khoe hmaq, rìm hanam trùh hì ramènh Pan cwa cwan caqnaih moeq ngai broq yiniq lui loh enh hnim tù, tiaq bàu wì bòch.

⁷ Jò aih i moeq ngai yiniq haq Banaba, wì clêh pajùm ti bài mangai yòng tablêq ka chên phù, majah qmang aih jò yòng tablêq, wì haq i jêh đac mangai.

⁸ Mangai Juđa trùh, wì haq bòch Philat caqnaih ka wì haq moeq ngai qmang hmaq caqnaih rìm hanam.

⁹ Philat padreo bàu: Pì enh au caqnaih bùa Juđa ka pì ùh?

¹⁰ Majah qmang aih Philat loq wì mangai pajàu kàn majah rùp Chuaq Jesus aih jào wì tajìq ka haq.

11 Mahaq bài pajàu kàn basrùq mangai Juda bòch Philat caqnaih Banaba ka wì haq.

12 Philat bòch hòh: Tàng qmang aih manòeq kô pì enh au broq qmang cleq ka mangai pì ma doe haq Bùa mangai Juda?

13 Wì cajiah cadêh: Drah tiang haq talong pagat!

14 Philat doe ka wì: Mahaq mangai kô khoe broq cleq ma dù? Kiang wì cachech cadêh ùh hnau hòh: Tiang đình haq talong pagat!

15 Philat enh broq lem ka manoh mangai Juda, haq hi caqnaih Banaba, èh thê wì blai Chuaq Jesus, khoe aih dôq wì qnung Chuaq Jesus lam tiang đình talong pagat.

16 Bài lình aràng Chuaq Jesus mùt ta bluang kàn, aih nòe òdeq hu hadrah, creò òq ka lình ta aih tagop ti dabau.

17 Wì paclùm ka haq moeq blah eo gòh, wì tênh moeq toq cadoh yila pacôi ta gàu haq,

18 wì tapoch ka Chuaq Jesus: Waiq bùa Juda!

19 Wì yỏc long dùì tong gàu haq, cachôh ka haq rai hacùn cràng kùh waiq haq, wì broq qmang aih bàc yàng.

20 Khoe ka wì halê do ka haq qmang aih, wì lênh đac eo gòh, caxùnh hlài eo da cla haq, khoe aih aràng haq lam hu tiang đình talong pagat.

Jesus talong pagat

21 I mòeq ngai Siren, yiniq haq Simôn, baq da wa Alet-san-đo xam Ruphu, hlài enh ruàng, lam trong aih, wì rùp haq thê haq xùì long pagat.

22 Wì qnung Chuaq Jesus trùh nòe go wì ma creò Gôgotha (bàu aih la cadôh gàu).

²³ Wì am ka haq ôq alac clai pajùm ka jan long xua thùm, mahaq haq ùh waq ôq.

²⁴ Khoe ka tiang đình Haq talong pagat, wì ta axong ka dabau eo yôh haq, wì pàih panàih ðòeq ngan maleq jah waq yiniq cleq.

²⁵ Jò wì tiang đình haq, aih bu hachìn jò di sroq.

²⁶ Capiac long ban qyoh enh gàu long pagat, wì achìh bàu ðòeq taqmòq yiniq lui ka haq: BUA MANGAI JUDA.

²⁷ I baiq ngai atùng wì hadai tiang đình wa aih ti haq, mòeq ngai talong pagat apah qma ka Haq, moeq ngai talong pagat apah qngeo ka haq. (I qnah hset noeq tam brong)

²⁸ “Qmang aih wì khoe alùh haq pajùm ka bài mangai dù.”

²⁹ Bài mangai lam pagat trong aih halê do haq, wì ngù ngiù gàu doe: Ùih! Ìh mangai doe ðeh raliang cađac hnìm kùh waiq, piq hì broq ònh hì gêh,

³⁰ doeh rađeh, loh enh long pagat qmat beq.

³¹ Bài mangai pajàu kàn xam mangai hnài ranenh hadai ta anoe ka dabau qmang aih, wì halê haq qmang aih: Haq doeh mangai qnoeq mahaq doeh rađeh ùh jah!

³² Aleq! Christ bùa Isorali, loh enh long pagat qmat beq, dōq nhèn hnoq, aih èh nhèn hu lùì. Wa baiq mangai wì ma tiang đình ti haq hadai halê haq.

³³ I kan clam cluiq jàp dōng gùng aih, enh qne hì trùh piq jò di xèq.

³⁴ Trùh piq jò di xèq, Chuaq Jesus creò bàu ðeh: “Ê-lo-i, Ê-lo-i, lam-ma-sa-bat-ta-ni.” Bàu aih rameh:

Boc Plình au, Boc Plình au. Hagleq Ìh majah cađac au?

³⁵ I wì ma yòng ta aih, wì doe: Tamàng aih, Haq qnang creo ka Êli.

³⁶ I mòeq ngai oe ta aih cadàu yǒc capaih chùq ta diac jòq, ðòeq ajang goe long dèch am ka haq ôq rai doe: Dôq haq! ðòeq bèn ngan Êli i trùh doeh haq ùh?

³⁷ Mahaq Chuaq Jesus creo moeq nà bàu cadêh, khoe aih haq pat hihèm.

³⁸ Bai prình ta hnim kùh waiq dahic broq baiq enh qnhèq trùh ta qneq.

³⁹ Cla craq bài lình oe tajang ka Chuaq Jesus, hnoq haq pat qmang aih, haq doe: Mangai kô joq Kon Boc Plình.

⁴⁰ I bài mangai gucadrì yòng ngan ðeh enh hangai. Ta wì aih i Mari mađolen, Mari miq da wa Jaco qyoh xam Jôsep, xam Salomê.

⁴¹ Aih piq ngai ma khoe tiaq patìh ka haq jò oe ta Galili, hanoh i bàc ngai gucadrì qnoeq hòh, aih bài mangai khoe tiaq haq tǒc ta Jêrusalem.

Catùh hanang Jesus

⁴² Hì aih wop hì padon, hì adroe ka hì Sabat, jò trǒc khoe ten clam,

⁴³ I mòeq ngai oe ta Arimathê, yiniq haq Jôsep mangai broq kàn tanòe bài mangai broq gàu Juda, haq aih hadai xan tangèh gòm diac Boc Plình. Haq pacraq dèh manoh thia ta Philat ðòeq hu bòch hanang Chuaq Jesus.

⁴⁴ Philat hamaih haraya tàng doe Chuaq Jesus cachìt rêngh qmang aih, haq creo ka mangai cwan bài lình hu bòch Chuaq Jesus cachìt a khoe dùnh.

⁴⁵ Bu tàng cla craq bài linh anoe, haq hi am Jôsep yôc hanang Chuaq Jesus.

⁴⁶ Jôsep khoe rot ðòeq bai hu lòm hanang, qnoh hanang Chuaq Jesus loh enh long pagat, haq yôc bai lòm chac Chuaq Jesus khoe aih ðòeq ta ralùng hanang haq ma khoe pùng tanòe hmo kàn. Khoe èh, cadre hmo kàn padit ajang ngah ralùng.

⁴⁷ Mari mađolen, xam Mari miq Jôse, hanoh hnoq nòe catùh Chuaq Jesus.

16

Jesus rih hlai

¹ Bu khoe ka hì Sabat, Mari mađolen, Mari miq da Jaco, xam Salomê, rot dầu xua thùm lam hu qnheo hanang Chuaq Jesu.

² Hì gàu tuàng, sroeh sroq jò mat mahì butôc, wì piq ngai aih lam ta ralùng,

³ wì rai tanoe ka dabau: Cabô ma cadre hmo padit ajang ngah ralùng ka bèn kô èh?

⁴ Jò wì haq ngan, hnoq hmo aih khoe cadre, hmo aih kàn haraya.

⁵ wì haq mùt trom ta ralùng, hnoq moeq ngai radam hangui pah qma, caxùnh eo yôh taboc, wì haq crè pi cajaq.

⁶ Mahaq mangai aih doe ka wì haq: Apa q yùq dèh, pì chaq Chuaq Jesus mangai Naxaret, Mangai wì makhoe tiang ðinh talong pagat, Haq khoe rih hlai, Haq pi i oe tacô, trùh ngan nòe wì ma khoe taqngui haq beq.

⁷ Mahaq dra h lam anoe ka mangai tiaq hóc haq hloe xam Phiero, Haq lam adroe ka pì mùt ta

Galili. Ta aih èh pì hnoq Haq, qmang ka bàu Haq khoe anoe ka pì.

⁸ Bài mangai gucadrì aih loh enh ralùng hanang, cadàu amot rai yùq rai hamàih, ùh hùà anoe ka cabô cleq, majah qmang aih wì haq crè pì cajaq.

⁹ Chuaq Jesus khoe rìh hlài sroeh sroq oe ta hì baxèm gàu tuàng, angoe aih haq mahno rađeh ka Mari Mađolen, aih mangai haq ma khoe drùh qnoh tapèh toq kiac dù.

¹⁰ Mangai gucadrì aih lam patình ka bài mangai adroe aih ma khoe tiaq Chuaq Jesus, mahaq manòeq qnang mangò crò hmoe.

¹¹ Mahaq jò wì aih tàng mangai gucadrì aih doe Chuaq Jesus khoe rìh hlài, èh rađeh khoe hnoq haq, wì ùh lùì.

¹² Atìq ka aih, Chuaq Jesus yǒc chac qnoeq hòmm òòeq hu mahno rađeh ka baiq ngai tiaq hǒc, jò wa aih qnang hlài dèh gùng.

¹³ Wa aih drah lam patình ka wì qnoeq loq diq, mahaq dua ùh i cabô lùì.

¹⁴ Atìq hòmm, haq mahno rađeh ka moeq jàt moeq ngai tiaq hǒc jò wì aih qnang acaq, Haq i tapoch cwò ka wì ma ùh i manoh lùì, manoh ma cadoq, ùh lùì bàu bài mangai ma khoe hnoq haq rìh hlài.

¹⁵ Haq thê wì aih: “Drah lam jàp dìq crǒng taneh, anoe Bàu lem ka rìm ngai.

¹⁶ Mangai leq lùì rai chiùq broq ãptem haq aih jah dèch, mangai leq ùh lùì haq aih èh jah pòq yǒc kan hadrah.

¹⁷ Bài mangai ma lùì aih èh jah kan halac kô: Wì jah yǒc yiniq au òòeq drùh qnoh kiac dù, jah

tapoch bàu neo.

¹⁸ Cadop bìn ta tì, tàng ôq yiniq ma ùh khòh, dua ùh hĩa troq cleq, yỏc tì bẻq mangai ùh hrỏc, mangai ùh hrỏc jah brẻh.”

¹⁹ Atìq ka Chuaq Jesus anoe ka wì qmang aih, khoe ẻh haq jah dẻch atỏc ta plẻnh, haq hangui ẻnh pah qma Boc Plẻnh.

²⁰ Khoe aih, mangai tiaq hỏc loh lam rai anoe jàp jĩa, Chuaq wiang broq pajủm ti wì, rai yỏc ẻai kan halac acop tiaq đẻoẻq broq cajap deh ka bàu.

Hset Hadròeh
The New Testament in the Hre language of Vietnam,
translated by Baq Thi

Copyright © 2024 Baq Thi

Language: (Hre)

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-23

PDF generated using Haiola and XeLaTeX on 26 Jul 2025 from source files dated 23 Jul 2025

03fbbc53-13cb-5444-945a-741163b0252d